



«Ссалам, зунттал ттиркьюкый»

ТтурчИиял жяматраву махъ нанисса, хIурматрайсса инсантурая сакин дурну дур «ТтурчИидагъ» тIисса жяматрал масъалартту шал-лу бавриха зузисса ккуран. Ва ккурандалул бакIчинугу увчIуну ур чулийн увксса полковник Растиван Беков. Цаявагу, ккурандалиягу цIухху-бусу баву мурадрай, жу хунабавкьюру ванашал.

10
лаж.



ЧРШ

№13
(2179)


7 АПРЕЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIсса 1917 ш.
Цунил итабакълан бивкIсса 1991ш.

Дин, иман, ислам

Лакрал ифтар — миллатрал цашиврул лишанни



14 лаж.

● Апрель зурул цанний, дяркьюсса кьини душиврухгу къабурувгун, лакрал чIявусса агъали бавтIуна Ися Идавсил (аь.с.) цIанийсса РувхIанийсса центрданийн, МухIаммад Идавсил (с.аь.с.) цIанийсса мизитравун ифтарданийн.

Ва мубараксса Рамазан зуруй, ларгсса бигъалагай кьини, Дагъусттаннал ХIукуматрал хъунама Абдулмуслим Абдулмуслимов кулпатрашал ивунни Гъазанишливсса Сайпуллагъ-Къади Башларовлул ва ЧиркIайливсса Саэд Апаннинал зияратирттайн.

ХIукуматрал хъунама зияратирттайн ивунни



П. РАМАЗАНОВА

Сайпуллагъ-Къади ХХ ттуршукулийсса дагъусттаннал Динийсса ва жяматийсса ишккакултраву ца яла сий дума ва бусравма ивкIсса. ХIакиннугу зий, исламрал юриспруденциягу лахълай, медициналул ва исламрал элмийсса давуртту чичлай ивкIсса. 1909 шинал увчIуну ивкIсса Ухсавнил Ккавкказулал муфтину. Ялуvmур Гъазанишливсса ванал гъав бусурманнал агълу чан къашайсса зияратри.

Вава Гъазанишлив Абдулмуслим Абдулмуслимов ивунни Буйнакск шагърулул ОВД-лул хъунаману зий ивкIсса, 2008 шинал июнь зуруй оьрмулуца увсса полковник Аьлиев МахIаммадшариплул гъаттайнгу.

Яла премьер-министр ивунни ЧиркIайливсса Саэд Апаннинал зияратрайн, динчитурашал дуаьрду дунни. Вара кьини премьер-министрнал Дагъусттаннал культуралул ирс буручавриха зузисса агентствалул хъунама МахIач Мусаевлушал Лувмур Жангутайливсса тарихрал гъайкалугу ххал дурунни.

Дагъусттанная 4 азаруннийн бивсса жагъилтал гъантIий бур аьралуннаву къуллугъ бан

Анриана АБДУЛЛАЕВА

Байбихъулий ванал ларгсса (2022) шинал сугтилсса призыврал хIасиллу дунни.

– Жула республикалун ккаккан буну буссия 3,5 азара инсан тIайла уккан аьралуннаву къуллугъ бан. Комиссариатирттал зузалтрал хIарачатрайну жуйва бивхъусса бигар цила чIумал шаллу бан бювхъунни, – увкунни Дайтбаг Мустапаевлул.

Апрель зурул 5-ний «Дагестан» РИА-лий хъунни Республикалул аьралий комиссар Дайтбаг Мустапаевлул интнил призыврал хIакъиравусса пресс-конференция.

Цанасса призыврал хIакъираву ихтилат буллаи, ванал бусунни гъашину интту аьралуннаву къуллугъ бан 4 азаруннийн бивсса жагъилтал гъантIишиву, призыврал кампания апрель зурул 1-нния июль зурул 15-нийнин найдикIантIишиву.

Аьралий комиссарнал бусласимунийн буну, интнил

призыв дайдишин хъьхьчI, Дагъусттаннал БакIчи Сергей Меликовлул каялувшиндаралу хъуну дур интнил призыврайн хIадуршинна даву мурадрайсса районнал призыврал комиссиярттал председательтурал, районнал ва шагърурал аьралий комиссартурал КИранюжмардийсса батIавуртту.

– Интнил призыв нанисса

чIумал Аьрасатнаву 45 азарунния ливчусса жагъилтурайн овчин тIий бур призыврал комиссиярттайн.

Генерал штабрал жула республикалия аьралуннаву къуллугъ бан буцин ккаккан буну бур 4 азаруннийн бивсса инсанта. Вайксса ккаккан баврил савав дур билаятрал хъуниминнал жула Ярагъуннил гужру 1,5 миллиондалийн бияннин ххишала бансса хIукму баву.

➔ Ахир 2 лаж.



Республикалул аьралий комиссар Дайтбаг Мустапаев



Контрольданул органнал давурттал координациялул советрал батлаварий

Апрельданул 4-нний Дагъусттаннал БакIчи Сергей Меликовлул дунни финансирттал ва бюджетрал аралуву Контрольданул ва ихтиярду дуруччай органнал давурттал координациялул советрал батлаву.

нал дуресса давуртта ва бивсса зараллу лахъаншиврул бивсса хIарачатиртта.

2022 шинал региондалул Счетрал палаталул, Госфинконтрольданул ва Казначействалул управлениялул дурну дур 403 контрольданул мероприятие.

ДР-лул БакIчинал Контрольданул управлениялул хъунама Темирлан Шабановлул тIмунийну, 2022 шинал гьарза хъуну дур, 2021

шинах бурувгун, къатIайлану аьркин дурну диркIсса арцу лахъаву 63,5 процентрал.

Региондалул казначействалул управлениялул контрольданий ларсун дур республикалий бартдиглагысса национал проекту.

Масъалалул хIакъираву махъ лавхъунни региондалул Счетрал палаталул председатель Билал ЖахIпаровлул, ДР-лул Казначействалул управлениялул каялувчи

АбдулпаттахI Амирхановлул, республикалул паччахIлугърал Финансирттал контрольданул къуллугърал каялувчи МахIач Ибрагьимовлул, Дагъусттаннал виваллил иширттал министр Абдурашид МахIаммадовлул.

БатIаврил хIасиллу дуллаи, Сергей Меликовлул бивсунни аьркинну бушиву контрольданул органнал цацIусса давуртту гужлан дуван ва бизнесрасчалсса давуртту хьинчулиной даххана дуван.

**ХIадур бивссар
ХI.АБДИЛОВЛУЛ.**

Муний ххал бивгъунни бюджетрал арцу цила мурадрай ва мюнпатну ишла даврил масъалартту.

БатIаврий контрольданул ва ихтиярду дуруччай органнал вакилтурал бивсунни ларгмур ши-

– Полициялул даврил хIасиллу дуллалисса ихтилат Абдурашид МахIаммадовлул бунни уттигъанну хъусса парламентарал сессиялий.

Депутатътурал, агъалинал гьирай вичIи дирхъунни 2022 шинал полициялул дурмунил хIасиллу дуллалисса Абдурашид МахIаммадовлул ихтилатрах. ХъхьичI ххуттайн лавсун бия жяматийсса низамрал, агъалинал мюхчаншиврул, ми тахсиркарсса иширтта бурувчуну бикIаврил масъалартту. Даврил хIасиллу дакI ххари дансса дур. Цамуния къатIурчагума, тахсиркаршивуртту чан хъуну дур. Мунишун, тахсиркаршивуртту ашкара даврил чулуша шалагу Аьрасатнаву жува хъхьичI ххуттай буру. ЖучIара 83,5% тахсиркаршивурттал ашкара дурну дур, дянивну Шалагу Аьрасатнаву гIурча – 53%.

2022 шинал республикалий оператив ва криминогенный тагъар цалин дагъсса дур, хасъсса аьралий операциялул дархIусса ва цаппара цаймигу захIматшивуртта къабуривгун. Министрнал хIасиллу даннин хъхьичI хъуннасса даву дурну дур: Законодательствалул комитетраву, фракциярдай ххал бивгъу-

– Дагъусттанлувтураща бюхъантIиссар хасъсса аьралий операциялулу лайкъну цала бурж бартбигълагьисса ватанлувтура пахру бан. Жула б Аьрасатнал Виричу уссар. Ттуршахъул жагьилтурал та операциялуву ккаккан дурсса чувшиврухлу личIи-личIисса паччахIлугърал наградартту ларс-ссар. Вай жула биляятрал мурадру буручлай буссар, жулагу буржи вайннал кулпатру ябан, буруччин. КIицI ларгсса законопроект хьинну аьркинссар. Шикку ккаккан бивну буссар мобилизациялул хъуминан, хушрай хасъсса аьралий опе-

Виваллил иширттал министрнал бивсмунил хIакъираву

Халкъуннал Мажлисрал Законодательствалул комитетрал председател Артур Исрапиловлул бивсунни 2022 шинал полициялул дуресса даврил хIасиллу дуллалисса Дагъусттаннал виваллил иширттал министр Абдурашид МахIаммадовлул ихтилатрал хIакъиравусса цала пикри.

ну бур агъамсса масъалартту. Микку гьуртту хъуну ур цува Абдурашид МахIаммадову.

Депутатътурал буллунни чIявусса суаллу, миннувах республикалий хъусса аваза бивтсса тахсиркаршивурттал хIакъиравуссагу. Масала, райотделданий Къурбан Далгатов оьрмулуца хъусса иширал, мукуна судрал оьрмулухун дуснакъ ансса танмихI къувкъусса Къызлардал виваллил иширттал отделданул хъунаманал хIакъиравуссагу. Цинявпагу суаллан министрнал балжисса жавабру дуллунни.

Цинявпагу агъамсса масъалартту – жяматийсса низам дуруччаву, агъалинал мюхчаншиву дузал даву, министрнал ххишаласса къу-

лагъасрайн лавсунни.

Министерствалул цала давриву ккаккан дуллаи бур виваллил иширттал органнал бучIиссаксса аьчухшиву.

Буссар цаппара масъалартту, республикалийсса тагъар цалин дугъаву мурадрай, жун цацIу зун дакIнийссагу. Миннувацца ца яла цIурувкъюмур хъанай бур наркотикру ишакаш бавришун дархIусса тахсиркаршивуртташтал талатаву. Му журалул тахсиркаршивуртту чIярусса дур. Ва кIицI лавгунни министрналгу, депутатътуралгу.

Ва масъала цинявпагу (граждан обществалул институту, Халкъуннал Мажлисрал депутатътал, властьрал исполнительный органну, жямат) цацIуну шаллу бан аь-

кинсса агъамсса масъала хъанакъиссар. Так аьмсса хIарачатрайнур жушаву ва ишираву ххуйсса ккаккиртту чIалачIи дан хъунтIисса.

Ихтилатру хъунни ДТП-ттагу. Автоавариерттаву дяввийксса инсантал литIлай бур. Ва тагъар къулай дан чIявусса масъалартту архIал шаллу буллан багълай бур. Ххуй дан багълай бур ххулурдал тагъар, ххуйну хIадур бан багълай бур шупиртал. Тагъар чIаланну ххуй дан, архIал шаллу бан багълагьисса затру чIявусса бур. Ляхъланну чаранну.

Министрнал дуресса хIасиллайну ва мунил хIакъиравусса ихтилатирттайну исват хъунни Дагъусттаннал виваллил иширттал министрнал гъашинугу, ттиния тихунмайгу цала къуллугърал бигарду – дагъусттанлувтурал паракъатшиву, жяматийсса низам, агъалинал ихтиярду ва мурадру буруччаву, лайкъну бартбигълан бюхъантIишиву.

Законопроектрал хIакъиравусса пикрирду

Дагъусттаннал Халкъуннал Мажлисрал председателнал хъивривчу Камил Давдиевлул бивсунни мобилизациялул хъуминан, хушрай аьралий операциялулу гьуртту хъун лавгминан ва министрнал кулпатирттан кумаг бансса ххишаласса чаранну лякъаврил законопроектрал хIакъиравусса цаламур пикри. Законопроект къамул дурну дур республикалул парламентарал 21-мур сессиялий.

рациялулу гьуртту хъун лавгминан ва миннал кулпатирттан цу-

кунсса кумагру бантIиссарив. ДулунтIий дур ЖКХ-лул

хIаллихшиннардахсса арцу, ирглий къабавицунува къамул бантIий бур школардайн ва садикирттайн оьрчIру. ДулунтIий дур вузирдавунсса квотарду. Аьралитурал кулпатирттан кумаг баву – му аьралитурал дакIру рахIат дуккан дансса хъунмасса ишир. Цала нину-ппу, оьрчIру, кулпат хIукуматрал аякъалин лавсун бушиву чIалачIийни, аьралитурасагу паракъатну цала бигарду бартбигълан хъунтIиссар, – тIий ур Камил Давдиев.

**ХIадур бивссар
Андриана АБДУЛЛАЕВАЛ**

Дагъусттанная 4 азаруннийн бивсса жагьилтал гьантIий бур аьралуннаву къуллугъ бан

→ Дайдихъу 1 лаж.

БатIаврил ва призыврал пунктирдай дайдируссар призыврал комиссиялул давуртту.

Дузал дурну дуссар призыврацIун дархIусса шартIру. Призывниктал тIайла буккантIиссар къуллугъ буллантIисса кIантурдайн автобусирттай, поездрай ва самолетрай. Республикалул сборный пунктрая тIайла буклакисса жагьилтал шаллу бантIиссар гьарица аьркинмунил. Гьарцаннахъхъун дулунтIиссар цала цIанийсса банкрал карта ва цанналусса элек-



трон карта, – бивсунни аьралий коммиссарнал.

Ванал кIицI лавгунни аьралуннаву къуллугъ бан буцIалисса жа-

гьилтал Донецкалал, Луганскалал, Херсоннал ва Запорожуллал областирдайн къагъанбантIишиву, аьралуннаву къуллугъ бан бивцуми хъхьичIва кунма ца шинай къуллугъ буллантIишиву, агана Обороналул министерствалуштал контракт чичин пикри къахъурча.

Журналистътурал суаллахъхъун жавабру дуллаи, аьралий коммиссарнал бивсунни контрактрайсса къуллугърал хIакъираву. Ванал бусласимунийн бивну, контрактрай къуллугъ бан ччиминнаша яла чанну ца шинайсса контракт чичин бюхъайссар.

Дуниялул гьунттулу ЦIусса хаварду ца-кIива ххуттайну

**УКРАИН МАЗ
ЛАХЪЛАНТИЙ БУР
ЦИУССА РЕГИОННАЙ**

Аьрасатнал Минпросвещениялул байбихъулул классирттал оьрчIансса украин мазрал пособие хIадур бивну бур. Украин маз лахълан ччинаша му лахълан хъунтIий бур Аьрасатнал цIусса мукърагу региондалий: Донецкалал (ДНР) ва Луганскалал (ЛНР) республикарттай, Запорожуллал ва Херсоннал областирдай, ниттил мазрал ягу факультативрал дарс хIисаврай.

**ЖАГЬИЛТУРАЛ
ФЕСТИВАЛЬ**

Аьрасатнал Президент Владимир Путинлул тапшур бунни шаллагу дуниялул жагьилтурал фестиваль дуван ялунтIил, 2024 шинал. Махъра-махъ жагьилтурал фестиваль дурессия 2017 шинал Сочилий.

**КИНТНИЛМИ КУТИА
ДУРНУ, ИНТНИЛМИ
ЛАХЪИ ДАН**

«Новые люди» фракциялул депутатътурал ПаччахIлугърал Думалулу ххал дигъин маслихIат бунни май зуруйсса каникуллу лахъи дуккан дуллалисса законопроект. Ва закондалийн бивну, май зурул 1-ннийн тIайла хъуну Ххувшаврил байрандалул кинийн биъгалагай гьантри бикIантIий бур, ЦIушинал байрандалийн шанма биъгалагай гьантта, ца гьантта Рождестволунгу. Госдумалул вице-спикер Даванков ур, май зуруй агъали дачардайн биъгалаган буккай, яла давурттайн буккайхутту, цIунил ялун нанисса биъгалагай гьантралсса буллан бикIай, давуртталсса къабуллай тIий. ВанацIун бакълай, депутатъталгу бур, кьурукIинттул шапна къутIкъутI бивкIуннир, интту вацIравух буклай хьинниха тIий.

ЦИУССА ВИРУС

Роспотребнадзорданул баян бунни суцIлил (кешрал) къацI увкуну лахъайсса «Хасеки» тIисса цIусса вирус бушиву. Ва цIусса вирус хъхьичIва Африканаву, Азиянаву пив хъусса «BOLE 4» тIисса вирусрачIан гьансса бусса бур. Вирусологиалул ва биотехнологиялул ПаччахIлугърал элмийсса центрданул аьлимчу Михаил Карташов ур цIусса вирус цалсса Аьрасатнал КIива регионай лявкъунни, амма ва пив шаврил география хъун хъун бюхъайссар тIий.

**ХIадур бивссар
П. РАМАЗАНОВАЛ**

Лаккуйну газ буцинтиссар



Дагъусттаннал БакIчи Сергей Меликовул ва «Газпромрал» ДАО-рал цакъ дунни республика 2021-2025 шиннарды газрал дузал даврил программа.

П. РАМАЗАНОВА

Ва программалийн буну, Дагъусттаннал 27 райондалийсса 200-нниха лирчусса шярваллау газ буцин най бур. Ащуйн шуну учиннив, цу буккан бувсса ва документрайн

буну, 211 шярвалу ккаккан дурну дур ялун нанисса 3 шинал мутгалий газ буцин. Утинин газ бувагу къабивкIсса 7 райондалийну буцинтIий бур: Агъуллал, Рутуллал, Гъуниннал, УнцукIуллал, Лакрал ва Ккуллал.

Зунттал агъалинан кумагрансса проект

Зунттал шархъаву ялапар хъанахIсса, цала даву тIитIин ччисса инсантуран кумаг хIисаврай гъашину республикалул бюджетрава итабавкъунни 900 миллион арцул. Программалул лагрулий, ишбазаранчитураца бакъассагу, тIювалул хозяйстварду дусса инсантурацагу ишла бан бюхълай бур хIукуматрал чулухасса кумаг. Шанасса ппурттуву республикалий давуртту дакъасса инсантал хъунмурчIин бур зунттал кIанттурдай ялапар хъанахIсса. Давурттах луглай, шагъурдайн бизлай, шярваллу къаритан багълай бур инсантуран. Сайки бачIи Дагъусттан бур зунттал районная сакин хъусса.

Имара САИДОВА

– Хъуннасса къулагъасрайн ласун аьркинну бур шархъаву тIювалул хозяйстварду дачин дурсса инсантал. Вай хозяйствардан чIири техника машин ласун кумагрансса субсидиярттан ккаккан дурну дур 200 азарда къуруш. Мукунма субсидияртту ккаккан буну бур багъру бугъан ччиминнангу. ТIювалул хозяйствардан буллалисса кумагру бур сайки 500 азарда къурушрайн бивсса, – увкунни ДР-лул экономикалул министр ХIажи Султановул.

Продукты ядуллансса логистикалул центрдал, теплицардал строительстварду дайдихлахIсса ва дуки-хIачIия итадакъаврин аьркинсса оборудование машин ласласисса ишбазаранчитуран кумагрансса субсидиярттан итадакълай бур сайки 3 миллион арцул.

Дур цамургу, «Местные инициативы» тIисса, республикалул бюджетрава 200 миллион арцул итабавкъунна проект. Ва проектрал кумаграйну ремонт ва строительстварду дан бюхълай бур социал инфраструктурардал объектирай. Проект дузрайн дуккан дулай бур муниципал бюджетравасса ва меценаттурал ягу жяматрал дартIсса арцуину. Муния махъ, жяматрал

хIукумулийн буну, язи дугълай бур ремонт ягу строительство дансса объект.

– ЗахIмат хъанай бурич меценаттал лякъин?

ХIасул хъанай бур укунсса суалгу. ДР-лул Экономикалул министрвалул зузалтрал бусаврийн буну, чIявуми инвестортал бур цивппа ва программалувун багъну ччисса.

– Шархъаву тамансса бур хъхъичIунну бизнес дачин дурсса. ХъунмурчIин вай хIадурну бур шярваллил ахIвал къулай баву мурадрайсса давуртаву хIала буххан. Укунмагу зунттал шархъаву инсантал бикIай цала харжирацIух шин дуцлай, ххулурду бакъин буллай. Утти укунсса инсантуран хIукуматрал чулухасса кабакъу ххишала хъунтIиссар. Жяматраву яла машгурми сиптарду дур ххулурду бакъин баврицIун дархIусса.

Цинявннан кIулсса куцуй, хIакъину хъинну машгурну дур этнотуризм. Туристтал заназисса зунттал шархъаву ххулурдугу лачинсса тагъарданый бур. Федерал ва региондалул программарттал лагрулий цIу буккан бан яржа къабивсса ххулурду бакъин баврин ва программалия хъунма кумаг хъунтIиссар, – увкунни ХIажи Султановул.

Росгвардиялул МахIачкъалалал соединениелул командир, генерал-майор Дмитрий Чистяковул буллуни цIусса журалул аьралий ттугъру МахIачкъалаливсса, Къизлардайсса ва Чачаннал Шелковская станицалийсса аьралий частирдал командиртурахъхъун.

Ттугъру буллалисса мажлисирттай гьуртту хъунни Дагъусттаннал миллатрал политикалул ва диндалул иширттал министр Энрик Муслимов, Республикалул Ветерантурал советрал председатель МахIарам Аьлиджанов, Къизлар шагърулул бакIчи Александр Шувалов, Къизлардал райондалул бакIчи Аким Микиров, къуллугърал ветерантал ва Росгвардиялул зузалт.

– Аьралий ттугъ – му аьралуннал яхIлил ва савлугърал лишанни. Щак бакъар, ва ттугълишал зузалт лайкъну къуллугъ буллантIишиврийн ва цала хъхъичI бивхъусса мурадру къуачагъну бартбигъланшиврийн, – увкунни Дмитрий Чистяковул.

Къуллугъраву хъхъичIунсса аьралитуран дуллуни ведом-

Жула Росгвардия

«ЯхIлил ва савлугърал лишан»



ствалул чулухасса наградартту. Ахирданий Росгвардиялул зу-

залт шадлугърал зумуну маршрал лавгунни.

Теракт дайщун даваншиврул

«Ястреб-Каспий» СОБР-ал ва «Скорпион-Каспий» ОМОН-лул зузалт (Росгвардиялул управление) гьуртту хъунни оператив штабрал дуллалисса, щинал транспортрай теракт хъун къаритаву мурадрайсса учениарттаву. Вай хъунни Каспийскалий.



«Учениарттайн буну, Каспий хъхъирый террористтурал группалул бугълай бур элмийсса ахтаршинна дайсса «Исследователь Каспия» тIисса жами.

Террористтурал группа бат баву мурадрай баян буллай бур террорданийн къарщисса операция.

Учениарттаву мукунма гьуртту хъунни Дазул управлениялул, ФСБ-лул управлениялул, МВД-лул, МЧС-рал гужру ва техника, Каспийскалий флотилиялул аьралитал.

Учениарттал вардиш бунни укунсса чIумал региондалул кIанттул ва федерал органну цацIу зунсса куц.

Ва кьини пландалий ккаккан дурсса террорданиясса ниьгачIаврийн къарщи бацIаву мурадрайсса цинярдагу мероприятиртту шаллу дан бювхъунни.

Курсанттурал стажировка къуртал хъунни

Дагъусттаннай къуртал хъунни Пермьрал Росгвардиялул аьралий институтрал тылданул факультетрал 4-мур курсирал курсанттурал стажировка.



Стажировка дуссия Росгвардиялул управлениялий ва нацгвардиялул аьралуннал МахIачкъалалал соединениелий. Опыт бусса хIаписартурал каялувшиндаралу шаллусса зурый курсанттал бия институтра-

ву лавхъхъумур, дуки-хIачIиялул ва къайлул складирттал хъуниминнал, мукунма столовайлул хъуниминнал къуллугъирттай зий, ишла буллай. Стажировкалул лагрулий вай мукунма кIул хъунни тылданул

къуллугърацIун бавхIусса документру шаллу баврил давришал. Пишакаршиврул даража лавайсса тыловиктурал кIибавчIунни вайнашала цала опыт.

Дагъусттаннай буссаксса хIаллай курсанттал гьуртту хъунни Росгвардиялул кьинилуцIун дархIусса циняв мероприятирттай.

Дагъусттаннал Росгвардиялул Управлениялул тылданул къуллугърал хIаписар, капитан Игорь Ивановул кIицI лавгунни кIанттул управлениялул пишакартурал хIарачат булшиву курсанттурал цанма кIулмур лахъхъин бан, опыт кIибачIин.

«Умуд бур стажировка мюнпатесса хъушиврийн. Ча тIий буру вайннан дуккавриву тIайлабацIу. Ххариссару вай, лавайсса даражалул пишакартал хъуну, жула къюкъраву ккаккан», – увкунни хIаписарнал.

ХIадур бувссар
Анриана АБДУЛЛАЕВАЛ

Зулайхат ТАХАКЪАЕВА

Театр

Мачча хьусса тамашачитурачІан цІунилгу хъамалу

Ларгсса нюжмардий хъунмасса тІайлабацІулушал Лакрал театр зана хъунни Элиста шагърулия. Вай Къалмукънавунсса шамилчинсса гастроллур.

Ухссавнил Ккавказнал республикарттал миллатирттал театрдал дянив кувннал кувнначІансса гастроллал агъамшиву ялу-ялун хъун хъанай дур, минуйну, тамашачитурал аудиториягу гъарза-гъарта хъанай, театрдал коллективрдал кувннал кувнначІансса дусшиврул ва уртакъшиврул арардугу цІакъ хъанай дур, кувнная кувннал устаршиву лахъхьин бюхълай бушиврийн бувну.

ЧІаххувсса республикарттайн уртакъшиврийсса гастроллай Лакрал музыкалул ва драмалул театр занай буссар 2012 шина шийнмай. Гъарца шинал лувялул «Культура России», «Большие гастроли» Федерал целевой программардал лагрулий Аьрасатнал ва Дагъусттаннал Культуралул министерстварттал кабакъаврийну театр сайки кІил-кІийлла, шам-шамийла гастроллай лавгссар Владикавказ, Астрахань, Нальчик, Баксан, Пятигорск, Грозный, Майкоп ва Элиста шагърудайн.

Вана ларгсса нюжмардийгу хъунмасса тІайлабацІулушал зана хъунни Элиста шагърулия. Вай шамилчинсса гастроллур Лакрал театрдал Къалмукънавун. Цалчинсса хъуссия 2019 шинал.

Къалмукънал Оьруснал драмалул ва комедиялул театрдал завлит Ирина Горяшкиевал буслай бур тамашачитурал даКІний ливчІун бушиву театрдал репертуардану агъамсса кІану бугълагьисса спектаклу: дунияллул драматургилул бюхтулшиврун ккаллісса Шекспирдул ца яла машгъурмур пьеса «Гамлет» (режиссер Богдан Петканин) ва «Укрощение строптивой» (режиссер Ухссавнил АьсатІиннал ва Кабардин-Балкъарнал республикарттал лайкъ хъусса артист Гиви Валиев), Апанни Къапиевлул аьралай чичурду гъануну ларсъсса театрдал поэма «Невыплаканные слезы» (режиссер Аьрасатнал магъирлул лайкъ хъусса ишккаку Ислам Казиев) ва А. Усачевлул оьрчІансса спектакль «Айболит» (режиссер Дагъусттаннал халкъуннал артист Аслан МахІаммадов).

«Щала шагъру зух ялугълай буссар» тІисса танил махъру, мийжаннугу, шялусса къавхъуна. Азаруннайн бивсса тамашачитал бувкІуна Санкт-Петербурграясса режиссер Дмитрий Павловлул бивхъусса Расул ХІамзатовлул произведениярттаясса «Последняя цена» спектакль ккаккан. Итакъабакълай хъатру ришлай бия тамашачитал жула артисттал. Мийжаннугу, вайннал гъунарданул хІайран бувсарив ягу цивппа драматургиялул кымат кІулсса буссарив къаКІулли къалмукънал агълу, хъхъичІми аьрхирдайгу, ва базилухгу хъинну ххарину ва бусравну, шакъалихъавай къамул бунни жула артисттал Элисталий. Авлахърайхъсса лахъисса ва бизарсса ххуллугума хІисаввагу къавхъуна махъунмай нанийни.

КІицІ бан багълай хъушунссар, гастроллу хъушиву Расул ХІамзатов дунияллийн увкун 100 шинал юбилейран хас дурсса мероприятиярттал лагрулий. Спектакль ххал бан бувкІун бия Къалмукънал Республикалул культуралул министр Саглар



Спектакль ххал бан бувкІун бия Къалмукънал Республикалул культуралул министр Саглар Тюрбеева



«Калмыкия» РИА-лул пресс-центрданий хъунни пресс-конференция

ра Тюрбеева.

Ванил кІицІ лавгуна Къал-

мукънал ва Дагъусттаннал дя-

нивсса дусшиврул ламурду

ХІамзатовлул шеъррду даКІних

буккавил конкурс ва муний

гъуртту хъун ччиминнал аьдал душиву хъинну хъуннасса.

Къалмукънал театрал оьрмулуву яргсса ишну хъусса, тІайлабацІу хъунмасса гастроллу сакин даврихлу, ларайсса пишкаршиврухлу ва театрал магъирлул хъхъичІуннай давриву бихълахъисса захІматрахлу Саглар Тюрбеевал буллунни Лакрал театрдалу каялувчи Бадрижат МахІаммадІажиевайнсса Барчаллагърал чагъар.

ЧІаххувсса республикарттал дянив магъирлул ламурду цІакъ баврил ххуллий уртакъшиврийсса гастроллал агъамшиву хъуннасса душиву кІицІ лаглай, Оьруснал паччахІлугърал драмалул ва комедиялул театрдалу хъунама директор, Къалмукънал халкъуннал артист Виктор Хаптахановлул буллунни Лакрал театрдалуна цала чулухасса Барчаллагърал чагъар.

– Лакрал театрдалу актертура лахъхьинмур чІявуя цалчинсса гастроллайва. Таний жу хІайран хъуну ливчІунав жагъилсса актертурал Шекспирдул шеъррду устарну ва лугъат бакъа ккалаккавий. Театрал вузру къуртал бувминнашагу ма къашайссар шеъррду устарну буккин. Ва базилухгу жу хІайран бунну актертурал Расул ХІамзатовлул шеъррду бюхханну ва даКІнийхтуну буккавил, – увкунни ванал.

Лакрал театрдалу директор МахІаммад ХІусайновлул барчаллагъ увкунни Къалмукънал Оьруснал драмалул ва комедиялул театрдалу коллективрахъ, гастроллу лавайсса даражаллий сакин дансса кабакъаврихлу, тамашачитурохъ - хІурматрайсса хъунабакъаврихлу.

Гастроллал лагрулий «Калмыкия» РИА-лул пресс-центрданий хъунни республикалул паччахІлугърал телерадиокомпаниярттал ва кказитирттал журналисттурашалсса хъунабакъаву. Артисттурал бувсунни Санкт-Петербурграясса режиссер Дмитрий Павловлул ххал даврил кабакъу бувшиву цала пишкаршиву ларай дан, кІицІ лавгунни Расул ХІамзатовлул шеъррду мюршиния шийнмай лахълай, кІулну, ххирану бивкІхъурчагу, шаэрнал творчестволул куртІшиву лаласун пашава бювхъушиву спектакльданыйн хІадур хъанакъисса кса кІумул мутталый.

Гастроллал лагрулий «Дружба» оьрчІал творчествалул къатлул фойеру Лакрал театрдалу дунни Расул ХІамзатовлул архивравасса суратирттал ккаккия. Миннувах дия Къалмукънал халкъуннал шаэр Давид Кугультиновлул ххалсса суратгу, ванан хас бувсса шеъррду.



Спектакль- даниясса пикрирду

Театр

Мачча хьусса тамашачитурачан цунилгу хьамалу

«Расул Хамзатовлул ца
жун бусравсар, Давид Кугуль-
тиновлулмур ца кунна».

Лилия Эрендженова,
Кьалмуькнал республикалул
лайк хьусса артистка:

– Расул Хамзатовлул ца Дагъусттанн мукссара бюхтулссар, Кьалмуькнан – Давид Кугультиновлул ца кунна. Амма Давид ва Расул бия, Арагва ва Кура нехру кунма, цанная ца батлул кьашайсса дустал. Расуллул ца жун бусравсар Давидлулмур кунна. Расул Хамзатовлул кымат бюхтулссар так жуча, Кьалмуькнаву бакъа, шала Аьрасатнавугу, шала дунияллийгу.

Хьунасса шаэр Расул Хамзатовлул творчествалул ляличиву дия чан дакъасса аькылшивруву. Лакрал театрду бивхьусса «Последняя цена» спектакльданул ляличисса асар биян бунни тамашачитурайн.

Спектакльданул ягу маьгирлуьгьрал цумур-бухьурчагу произведенийлул цала мурад шаллуну биттур бувсаннун ккалссар, мунил тамашачи оьрмулия пикри буллала увсса чумал. Режиссёр Дмитрий Павловун ва спектакль бишинсса гьавас багхьунссар бюхтулсса яручунал поэзиялул ляличивурул ва рангру чярүшиврул.


Амма постановщикнал язи дургьуну дур Хамзатовлул гьунарданул дазу – эпичныймур. Хьинну пикри бувну шаллу дурсса сценография, костюму, чьавахьулттивух чани багьлагьисса зунттал чаттирдал кунку уллай ур зунтаву айкьусса ххуллулсса.

Гьарца кьанттайх зивзусса луттирду лахьлай бур кьатлуха, кьатлул маьгирдаха ва бувчлай бур ва дунияллий цимур ца цила низамрай душиву. Амма личантиссарав ина виятува рязину, вихва лахьния ургайхту. Гьарахьалттил нигыраха лархььуну гьанагьисса затрал чурду баллай бур гьаттайх ршлалшисса аьршарал чурду кунма. Кьювулул ва кьумашиврул вибувцусса балайрдал караматсса гьава хасул буллай бур.

Ва кушуй, бюхтулсса яручу-



Расул Хамзатовлул архивравасса суратирттал ккаккия



Лакрал театрдунасса Барчаллагьрал чаьгарду



Лакрал театрдунасса Барчаллагьрал чаьгарду

Лакрал театрдунаул директор Махаммад Хусайновлул барчаллагь увкунни Кьалмуькнал Оьруснал драмалул ва комедиялул театрдунаул коллективрахь, гастроллу лавайсса даражалий сакин дансса кабакьаврихлу, тамашачитуррахь - хурматрайсса хьунабакьаврихлу.

нал шеьрирдал тамашачи пикри буллала уллай ур хьамабитавайсса цала ниттил мазрал ялув.

Барчаллагь ххаллисса артистьтуран! Ялугьлай буру цуцусса хьунабакьавуртгах.

Светлана Музраева, оьрус мазрал ва литературалул учительница:

– Расул Хамзатовлул творчество ттун, оьрус мазрал ва литературалул учитель бухьувкун, кьулссая чьянияцара. Ванал шеьрирдахун багьну буссияв школай дуклай бунийва. Расул Хамзатовлул, Давид Кугультиновлул, Кайсын Кулиевлул шеьрирдал жунма кумаг буллай бур ялапар хьанан, оьрчү тарбия буллан. Миннул жува ххулия бьякьин кьабитлатиссару. Жува чув, ци билаятрай, ци та-

гьардану бухьурчагу, жушала мунан бур Расул Хамзатовлул шеьрирду, ганал Дагъусттаннахсса, Аьрасатнахсса ччаву. Ттун хьинну дакнний ливчунни ванал «Ниттихасса» шеьрирду. Ми шеьрирду ттул учениктурал буккайссар конкурсирттай. Дагъусттаннал агьулданун чьа тий бура дакъаву, барачатшиву. Жула республикарттал бур ца кьадар, цавай буруккинтту. Мунияту Лакрал театр жучан шамилчин бучаврил бусласиссар жул агьулданул маьгирлуьгьрал даражалия. Ттул дакнния ттигу кьалавгунни хьхьичирами гастроллай кьавксса спектакльляясса асарду. Чьа тий бура Лакрал театрдунаул гьайлабациу.

«Кьалмуькнаву авлахьрал кьанттайгу буссар зунттурду»

Ирина Горяшкиева, Кьалмуькнал театрдунаул зузала:

– Хьинну ххарину буру хьунасса шаэр Расул Хамзатовлул 100 шинал юбилейран хас дурну шала Аьрасатнаву дуллалисса мероприятиярттавацца, Лакрал театрдунаул гастроллу, жула республикалий най душиврия. Мунилгу духьунссар цилла лишан. Жунма циньяннан кьулсса кушуй, совет заманнул миллатрал литературалул классиктурал – Расул Хамзатовлул ва Давид Кугультиновлул даяив дуссия цакьсса душиву.

Расул Хамзатовлул Давид Кугультиновлия увкумур шала Кьалмуькнан кьулссар: «Кьалмуькнаву авлахьрал кьанттайгу буссар зунттурду. Ми инсанал аькьуллул, инсаннал рувханийшиврул зунттурдур. Мукусса ца зунтун ца – Давидри», – куну. Вай махьру кьалмуькнал агьулданун хьинну бусравну буссар.

Жунма кьулли Расул Хамзатовлул шала поэзия хас бувну бушиву шанна темалун: Ватандалун, хьамитайпалун ва чумун. Балайрайдун тугисса ванал циньявпагу шеьрирду бур Аьрасатнал маьгирлуьгьрал хазналуву ца дахьалай чинсса кьану бугьлагьисса.

Людмила Чурбанова, Оьрчял творчествалул кьатлул директор:

– Ххарину буру жула ххаллисса чьаххул, Лакрал театрдунаул коллектив цунилгу жучанма бучаврия. Расул Хамзатовлул шеьрилуьгьрал аваданшиву так Дагъусттаннал цанналул дакъар. Ва жула аьмсса аваданшивур, аьмсса хазнар.

Давид Кугультинов чьавусса буслан икьайва Расул Хамзатовлулшадисса душиврия, творчествалул аваданшиврия, дунияллий ванал творчествалун лавайсса кымат бившуну бушиврия пахрулий, ххарину икьайва.



Магбирлугъ

«Расул Хамзатовлук Дагъусттан»

«Дагъусттаннал шярвалу» тисса этнографиялул комплексрал сакин дурну, Москвавил, Машрикъллал халкъуннал искусствалул Паччахьлугърал музейраву, Расул Хамзатовлук 100 шинан хасну, мартрал 31-ний тиртунни «Расул Хамзатовлук Дагъусттан» тисса цанилусса выставка.



Бадрижамал АБЛИЕВА


Шикку ккаккьялун дирхъуну дур шаэрнал оьрмулул личи-личисса шиннардий ларьсса 80-нния лирчусса суратру, республикалул ва билаятрал ца дурксса художниктурал шаллу бувсса живописьрал ва графикалул 40-нния ливчусса произведенияртту. Вайннувах бур

Арсен Къардашовлулсса, Хайруллагъ Къурбановлулсса, Ислам ШовкИринскийлсса, Галина Пшеницыналсса, Тимур Кагировлулсса ва цайминналсса.

Хъунасса шаэрнал оьрмулулун ва творчествалулун дархлума дакъасса, шикку дур Дагъусттаннал халкъуннал культуралулун, багъу-бизулулун дархусса чIарусса цаймигу затру.

Къалмукънавугу хъуннар жула шаэрнал сий

Апрель зурул 1-ний Къалмукънал Республикалул хъуншагъ-Ару Элисталий Тюльпаннал фестивальданул лагрулий дайди-рхъунни дуклаки оьрчIал ва студентътурал дянив шеърирду буккавил конкурс, «Дни поэзии. Открытый микрофон» тисса.



Ким Ольдаевлул суратрай: Къалмукънал халкъуннал шаэр Давид Кугультинов; Дагъусттаннал халкъуннал шаэр Расул Хамзатов; Къабардиннал халкъуннал шаэр Кайсын Къулиев; Башкирнал халкъуннал шаэр Мустай Карим; СССР-данул ЗахIматрал Виричу, шаэр Михаил Дудин

Зулайхат ТАХАКЪАЕВА

Вания бувсун бур Республикалул Культуралул ва туризмалул министрствалул сайтрай. Зурул лажиндарай гьарца ххулункъини 11.00 сятраву Давид Кугультиновлул гъайкалданучIа дуклаки оьрчIру ва студентътал дакIних ккалантIий бур Къалмукънал халкъуннал шаэрнал дустурал шеърирду.

Фестиваль наниссаксса хIаллай хъунтIий дур Расул Хамзатовлул 100 шинал юбилейран хас дурсса конкурс – ххува номинациялий.

Ххув хъуми личи бантIий бур ВК соцетьрай чIурду булуну.



Уттигъанну Москвавил хъусса Шалагу Аьрасатнал оьрчIал ва чIаважагьилтурал творчествалул Кирилл Молчановлул цанийсса VIII конкурсрай 2-сса кIану бугъуну зана хъунни Уручуллул шяравасса МахIаммадул ва Къукуннал шяравасса Асиятлул душ Шамсият Аьлиева.

Музыкагу, луттирдугу ххирасса чIава душ



К. Молчановлул цанийсса конкурсрал журилуцал

Бадрижамал АБЛИЕВА

Дуклай бур Шамсият Каспийскаллул шагърулул 1-мур школалий 7-мур классраву. Музыкалухун багъну бур оьрмулул 8 шинаву. Агъаммур дуккаврицилун ва занай бур МахIачкъала шагърулул ОьрчIал искусствардал 7-мур школалийн (флейта). Шамсият хъанахьиссар ва школалул цалчинсса флейтистка, ваних дарс дихълай ур жула республикалул машгъурсса преподаватель Рамиз Казиев.


Конкурсрай, «Духовые инструменты» номинациялий II даражалул дипломран бакъасагу, Шамсият лайкъ хъунни К. Молчановлул произведение яла ххуйну шаллу баврихлусса дипломрангу, язима концертмейстернал дипломрангу.

Конкурс хъуссар К. Молчановлул цанийсса школалий. Кирилл Молчанов – Совет заманнул композитор, «А зори здесь тихие» кинофильмрахун музыка чивчусса, мукунма «Жди меня,

и я вернусь», «Парней так много холостых, а я люблю женатого» ва цаймигу балайдрахун музыка чивчусса. Ванал арс, «До и после полуночи» передалул ведущий, Владимир Молчанов, мударану икIайсса ур ва конкурсрал гала-концертрал журилулу, ххув хъуминнал бахшишру дуллалисса шадлугърай. Амма Шамсият ванашал хъунакъабавкъуну бур, Москвавил гала-концертрайнинн къабацIаврийн бувну.

Ва конкурсрал жури табухъурчагу сакин хъуну бикIайссар билаятрал культуралулу цIа дусса инсантурая.

Шамсият ларгсса шинал гьинттул Москвавил ВДНХ-лий хъусса ОьрчIал культуралул цалчинсса форумрайгу гьуртту хъуссия. Ва аьрххилий хъусса цамур лакку душния чивчуну, Шамсиятлуя га чIумал къачивчуну ливчIиссия. Культуралул форумрай Шамсиятлул «Гамзатовквест» проект дуссия финалдиний дурксса язисса 7 проектрал



Шамсият Аьлиева

сияхIрай. Ва проектравун духлахиссар «ГАМЗАТОВ-квест», цивагу чIалантIисса Расул Хамзатовлул творчествалулун дархIусса, дуняллул личи-личисса кIанттурдай дирхъусса культуралул объектру. Аьрасатнал Культуралул фондрал хъунмур бахшишран Башкортостаннаясса гьурттучи лайкъ хъурчангу, махъсса вайми оьрчIангу, вайннувах Шамсиятлунгу, буллуссар цIа кусса дипломру, цайн бувнугу оьрчIаша АьФ-лул Культуралул министрствалул цал уртакъну зун бюхъантIисса цалла проектру иширайну шаллу давриха.

Шамсиятлул нину Асият бур ОьрчIал искусствардал 7-мур школалул завуч. Ва хъанахьиссар жуна ххуйну кIулну ивкIсса, аьпа биву, Сулайман Мусаевлул уссил душ. Асиятлул бур Шамсиятляяр мюршисса кIинничалтту, вайгу занай бур вава искусствардал школалийн, оьрчI – ксилофон бишлай, душ – фортепиано. Укун, музыкалухусса ччаву вайннал кулпатраву ирсирай най дур.

Музыкалухун бакъасса, Шамсият багъну бур ккалаккаврихунгу, ванин хъинну ххирар луттирду, вай бахлахисса ттучандалува лу каних бакъа ва тачлав къабуккайссар.

Ча учинну чIава музыкантан тIайлабацIу, цIу-цIусса хъхьичIуннайшивуртту.

Лакку мазрай чичайсса даргиричу

Хурмат лавайсса «Илчилул» редакцияй, ттул хъунмасса та-Хвакьюри Лаккуй ччянива миналул хъусса, лакку мазгу ххаллилну кIулсса даргиричунал чивчусса вай шаммарду бишаву.

Оьрмулул яла аргъираву-сса чIумал Ахъушиял райондалийсса Кулия-мачи тIисса шяравату увкIун, ШавкIулал колхозраву Iухчуну зий ивкIун ур Ссапигулаев Рамазан. ШавкIрав учIаннина ташулул хъуну ивкIсса ванал бивкIун бур 4 душ. Яла, арсгу айрив ххал аннача куну, ва жагьилнал бувцуну бур канма эшкъи хъусса шавкIрадугу. Улу-гъала, муницIа увну ур яла мукъа арс. КIивагу кулпат бавкъуну, рязину яхъанай бивкIун бур.

Зунттай, ардай яттичIа усса чIумал, ваца бизар лиххан банкунма, ванал лях-карах чичайсса бивкIун бур канма ххуйну лавхъхъусса лакку мазрай шаммардугу.

Рамазан чIа-чIанин учIай МахIачкъалалив ттул чIаххуврай

яхъанахьисса цала арсначIан, миккур ва ттушалгу кIул хъусса.

ХIусайн ДАВЫДОВ,
ш. ЧIуртташи

Ттун дакIний бур

Ттун дакIний бур уттигу Урттувах жегъир ххуллу, ВичIан занай на бивтсса – Эшкъилул ссуссин бувсса:

Ххуллул кIивагу чулух Ар дурицIусса тIутIивгу, Жулла ччаврил савлугъ дан Балай тIисса чIелмултту.

Цалчин хъунабавкъуний Нава увкусса ппайгу,

Зурулу чанна лархъсса Вил симандалул пIяйгу.

Ттун дакIний бур ялагу Зунттул бакIрай шараша – Вил ва ттул эшкъи кунна, МарцIну лирицIусса шингу.

Ччаврил хияллу

Ттуяра цIа къаданна, Ца-кIива махъ учинна: Вихсса ччаврил дурицIусса Ттулла дакI дачIра данна.

Алжаннул багъравату На вин тIутIал кацI банна. Замзам шарашуяту На вин шин ласун гъанна.

Ина бучIай ххуллурдай Ххютун муьхъну ххяхханна, Ина лагай зилучIа Ччаврил зиярат банна.

Лакрал райондалия

Райондалул депутатътурал батІаврий

Ларгсса нюжмардий Лакрал райондалий хьунни райондалул депутатътурал батІаву.

Зулайхат ТАХАКЪАЕВА

Муний гьуртту хьунни райондалул депутатътурал собраниялул хьунама Шяпи Шурпаев, райондалул идарарттал каялувчитал, шяраваллал администрациярттал бакІчитал, депутатътал.

БатІаврий ххал бигьлагьисса агьаммур масъала бия 2022 шинал райондалул социал-экономикалул хІасиллаин ва 2023-2025 шиннардий дан дакІнийсса давурттайн багъайсса. Мунил хІакъиравусса ихтилат бунни райондалул бакІчи Юсуп МахІаммадовул. Хьунмур къулагъас цала докладраву ванал дунни инттусса призыврайн багъайсса суалданух. Шяраваллал администрациярттал бакІчитурайн тапшур бунни аьралуннаву къуллугъ бан лагаврия махъаллил хъанахисса инсантал аьралий комиссариатрайн бучІан бан.

Райондалул низам дуруччай органнал даврия бувсунни Аьрасатнал МВД-лул «Лакский» МО-лул каялувчи МахІаммад Рамазановул.

Лакрал райондалул бюджет



баххана баврия бувсунни финансирттал отделданул хьунмур Аьйша Амирхановал.

Ларгсса шинал дурсса давурттая бувсунни КІулшиву дулаврил управлениялул каялувчи Тамирлан МахІаммадовул, Агъали давурттал шаллу баврил центрданул директор Аьйшати Мусалаевал, Гъумучиял РЭС-рал каялувчи Зураб ХІажиевлул, шяраваллил хозяйствалул ва экономикалул отделданул каялувчи Байзанат Гъзаевал.

ЦІуссалакрал райондалия



Райондалул бакІчинал къамул бунни агъали

Апрель зурул 4-нний ва 5-нний ЦІуссалакрал райондалул хьунаманан кІанайсса Сулайман Рамазановул къамул бунни райондалул агъали. Цала масъаларттая ва буруккинтая бусан шиккун увКун ия 20 инсан. Миннава 8 инсан ия Новостройрая увКІсса. ЧІявуминнал буруккин бия ялапаршиннарал шартІру къулай даву, бия аьрши дулара учин увКІсагу. Сулайман Рамазановул, агъалинал масъаларттаху вичи дирхьуну, ми шаллу баврил хІакъиравусса бувчІинбавуртту дунни. Бувсунни райондалул хьуниминнаша шаллу бан къашайсса масъаларттал ялув чун гъантІиссарив. Шайнан бунни аьркинсса кумаг.

ДакІнийн бутан, райондалул хьуниминнал къамул байссар агъали гьарца нюжмардий. Приемрайн чичин шайссар ва телефондалийн оьвкуну: 8(87)242 21 500.

ТанмихІ къувкъунни

ЦІуссалакрал райондалул судрал танмихІ къувкъунни АьФ-лул Уголов кодексерал 234-мур статьялул 1-мур ва 3-мур бутІрайн дагъайсса тахсиркаршиву дурсса райондалиясса цаннан. Ванай, закондалул ххуттава увккун, хьинну асар шайсса ва загърулул айсса затру ишакаш даврий тахсир ккавккунни. Ванан 3 шин ва 3 зуруй дуснак ансса танмихІ бунни.

Судрал мьйжан бунни ванал 2022 шинал декабрьданул 23-ннийн биянинисса чІумуву закондалуцІун къаавкъуну ца инсанначІагу машин ларшиву чІярусса, хьинну асар шайсса «Лирика» тІисса затру ва дарххушиву ми цаманан 6000 къурушран.

Ваналва 2022 шинал октябрь зурул 23-нний закондалуцІун къаавкъуну машин ларсун дур мукунна хьинну асар шайсса «Тропикамид» тІисса затру. Мигу дарххуну дур 9000 къурушран.

«Зул чагъардал жул дакІру рахІат дай»

ЦІуссалакрал райондалийсса Гьамияшиял шяравасса МахІаммад Оьмаров хасъсса аьралий операция байбивхьуну цалчинсса гъантрая шихунай хьхьирил бахътагьалтрал къюкълуву дуручлай ур жула дазурду. Шяраваллил жяматран МахІаммад КІулли яхІ бусса, хьинисса, захІматсса тагъарданийс-



са инсаннан кумаг бан хІадурсса жагьил хІисаврай.

Аьралуннавугу ва мудангу хІадурну икІай цала дустуран кумаг бан. 2022 шинал апрель зуруй, МахІаммад усса батальон артиллериялул цІарахъхьун дирирну, ванан чІярусса цІунцІияртту хьуну дур. Хьин шайхту, ва зана хьуну ур аьралий операция нанисса кІантурдайн.

Аьраличу барчаллагъ тІий ур, цайра дакІ ций, посылкартту ва аьчухсса чагъарду гъан буллалисса дуклаки оьрчІахъ.

– Ва захІматсса чІумал зул дакІнийхтунусса чагъардал жу рахІат бару, ххув хьунисса вихшала ххишала дувай, – тІий ур аьраличу.

ХьхьичІунсса кІану бувгъунни

Апрель зурул 1-нний МахІачкъалалив хьунни спортрал школарттал клубирттал дянивисса ттушлий буккавил Республикалул первенство. ЦІуссалакрал райондалия шикку гьуртту хьунни тренер Аьлимирза Ибрагьимовул каялувшиврийсса ЦІуссачІуртташиял отделениялул ДЮСШ №1 команда. Первенствалий гьуртту хьусса 14 командалува ЦІуссалакрал райондалул оьрчІал командалул бувгъунни шамилчинисса кІану. ОьрчІал ккаккан бунни цала гьунар ва спортсментурал хасият, цаярва опыт ххисса командартташал бувккун.

Террорданийн къарщисса комиссиялул хІасиллу

ЦІуссалакрал райондалий, райондалул Террорданийн къарщис-

са комиссиялул хьунаманал ва райондалул бакІчинал кІанайсса Сулайман Рамазановул каялувшиннаралу хьунни Террорданийн къарщисса комиссиялул заседание. Ванил лагрулий хІасиллу дунни 2022 шинал лажиндарай райондалул Террорданийн къарщисса комиссиялул дурсса даврил ва ххал диргъунни 2023 шинал дуланмур. ЦІакъ дунни райондалий Терроризмалул идеологиялийн къарщи бацІаву мурадрай дулантІисса давурттал план.

Шикку ихтилатру бунни Террорданийн къарщисса комиссиялул давриха зузисса отделданул хьунмур ПатІимат Шагьмиловал, Культуралул управлениялул хьунаманал хьиривчу Заур МахІаммадовул, КІулшивуртту дулаврил управлениялул хьунмур Светлана Кудаевал.

Заседаниялийн оьвкуну бия ихтиярду дуруччай структурдал дакІлтурайнгу.

АТК-лул члентурал, ххал бигъаву мурадрай, шикку мукумма гъаз бунни КІулшивуртту дулаврил, культуралул объектру террорданул иширттая мюхчан бансса чаран лякъаврил ва му чулуха ялун лирчусса диялдакъашивуртту дукъан даврил масъалартту.

Циньявпагу гъаз хьусса масъаларттал хІакъираву бунни хІукмурду. Ми шаллу баврил ялув ацІаву дан тапшур бунни жяматрал мюхчаншиврулсса буллалисса райондалул хьунаманал хьиривчу, АТК-лул секретарь Макъсуд ХІаммадовлуин.

Экологиялул ххуллийсса мурадру

Шалагу Аьрасатнаву нанисса «Волонтеры могут все» тІисса экологиялул проектирдал конкурсерал региондалийсса ятІапрай «Буттал кІанттул вирттал» тІисса номинациялий 2-мур кІану бувгъунни ЦІуссалакрал райондалиясса дуклаки душнил. Республикалул конкурсерал дуссия январь зурул 18-ннийн мартрал 31-ннийн дияннин. Ванил мурад бия КІулшивуртту дулаврил идарарттай экологиялул дярхІусса волонтертурал ва ахтарчитурал суккушинна шуруши даву, мюршиминнал ва жагьилтурал агьамсса экологиялул проекту дансса сиптардал чІарав бацІаву. Конкурсерал дия личИ-личИсса номинациярду: «Скажем нет урону природе», «Цветущая планета», «Волонтеры спешат на помощь», «Герои Отечества», «Мусор угроза или вторая жизнь», «Пойдем экологическими тропами», «Друзья наши меньшие», «Мир своими руками».

Региондалул конкурсерал сакиншиндарал комитетрайн дурКун дур ххюва шагърулиясса ва ацІния кІира райондалиясса 49 даву. Жюрилул язи дургъусса давурттаву дур ТЮхчардал школалул 8-мур классрал дуклаки душ СайгидахІмадова Руфайдал даву. «Герои Отечества» номинациялуву ванин буллуну бур кІилчинисса кІану. Руфайдал каялувчи бур ХІажиева Малика МахІаммадовна.

ХІадур бувссар Андриана АьБДУЛЛАЕВАЛ

Терроризмалуца бурувчуну бикІан

Ккуллал райондалий хьунни Террорданийн къарщисса комиссиялул пландалийнуса заседание. Ванил каялувчину ия Ккуллал райондалул администрациялул бакІчи, АТК МО-лул председатель Шамил Рамазанов.

Шикку гьурттушиву дунни шяраваллал администрациярттал бакІчитурал, комиссиялул члентурал, хІасиллу дунни уттин дурсса даврил.

– Жунма КІулсса куцуй, Украиннал аьршарай най бур хасъсса аьралий операция. Жу жула Президентнал хІукмулуцІун бакълакьиссару ва мудангу чІарав буссару. Аьрасатнал виваллил иширттал ва кІанттул цила каялувшиннарал къуллугърал зузалт хІарачат буллай бур инсантал террорданул шатІашагу, нигъачІаву дусса цайми-цаймигу иширтташа буруччин. Ялттура паракъашиву дуну чІаларчагу, тагъар нигъачІисса дур, мунияту аьркинну бур кІантту-кІантурдай мюхчаншиву ххишала дан, – увкунни администрациялул бакІчинал.

Шикку мукунма ххал бивгъунни райондалийсса гьарцагу идаралий, чІявусса инсантал батІайсса кІантурдай мюхчаншиву цІакъ даврийн багъайсса масъалартту. Ва масъалалуцІун бавхІусса докладру бувна райондалул администрациялул бакІчинал хьиривчу Анатолий Давдиевлул, райондалул УО-лул хьунаманал буржру биттур буллалисса Ж.Оьмариевлул, МКУ-лул директор М.Ибрагьимовал,



АТК МО аппаратрал ведущий специалист М. Рамазановул ва м.ц.

Шамил Рамазановул тІалав бунни гьарцагу зузала, ва масъалалул хІакъираву ялув бацІаву дуну, личІлулу бикІаву, барчаллагъ увкунни террорданийн къарщисса давурттаха зузисса комиссиялул гьурттучитурахъ, кІицІ бунни хІакъинусса кьини мюхчаншиву дуруччаврияр агьамсса масъала цамур бакъашиву.

Ахирданий АТК-лул комиссиялул личИ бунни экстремизм ва терроризм пив хьун къаритансса давурттал ялув бацІаву дуллансса хасъсса инсантал.

ХІадур бувссар Аминат АХІМАДОВАЛ



ИТНИ, 10 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

ТТАЛАТ, 11 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

АРВАХИ, 12 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

ХАМИС, 13 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

НЮЖМАР, 14 АПРЕЛЬ
05.00 «Доброе утро». (12+).
09.00 Новости.
09.20 «АнтиФейк». (16+).

ХХУЛДУН, 15 АПРЕЛЬ
06.00 «Доброе утро». Суббота.
(12+).

АЛХИАТ, 16 АПРЕЛЬ
06.00 Новости.
06.10 «Подкаст.Лаб». (16+).

РОССИЯ 1
ИТНИ, 10 АПРЕЛЬ
05.00 «Утро России».
07.35-07.41 Вести-Дагестан

ТТАЛАТ, 11 АПРЕЛЬ
05.00 «Утро России».
07.35-07.41 Вести-Дагестан

АРВАХИ, 12 АПРЕЛЬ
05.00 «Утро России».
07.35-07.41 Вести-Дагестан

ХАМИС, 13 АПРЕЛЬ
05.00 «Утро России».
07.35-07.41 Вести-Дагестан

НЮЖМАР, 14 АПРЕЛЬ
05.00 «Утро России».
07.35-07.41 Вести-Дагестан

ХХУЛДУН, 15 АПРЕЛЬ
05.00 «Утро России». Суббота.
(12+).

АЛХИАТ, 16 АПРЕЛЬ
06.05 Дарья Егорова, Александр Пашков и Илья Оболонков

ИТНИ, 10 АПРЕЛЬ
07.00 Время новостей Дагестана.
08.00 «Арт-клуб» 0+
08.20 Х/ф «Цирк» 0+

ТТАЛАТ, 11 АПРЕЛЬ
07.00 Время новостей Дагестана.
07.20 Передача на табасаранском языке «Мил» 12+

АРВАХИ, 12 АПРЕЛЬ
07.00 Время новостей Дагестана.
07.20 Передача на табасаранском языке «Мил» 12+

ХАМИС, 13 АПРЕЛЬ
07.00 Время новостей Дагестана.
07.20 Передача на табасаранском языке «Мил» 12+

НЮЖМАР, 14 АПРЕЛЬ
07.00 Время новостей Дагестана.
07.20 Передача на табасаранском языке «Мил» 12+

ХХУЛДУН, 15 АПРЕЛЬ
07.00 Время новостей Дагестана.
07.20 Передача на табасаранском языке «Мил» 12+

АЛХИАТ, 16 АПРЕЛЬ
07.00 Время новостей Дагестана.
07.20 Передача на табасаранском языке «Мил» 12+

ИТНИ, 10 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

ТТАЛАТ, 11 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

АРВАХИ, 12 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

ХАМИС, 13 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

НЮЖМАР, 14 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

ХХУЛДУН, 15 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

АЛХИАТ, 16 АПРЕЛЬ
04.50 Т/с «Фемида видит». (16+).
06.30 «Утро. Самое лучшее». (16+).

«Илчилул» календарь Ва нюжмардий бувссар

Апрель зурул 4-нний 1927 шинал увссар Аьрасатнал Медициналул академиялул член-корреспондент, профессор Султан-Мурад Оьмаров.

Апрель зурул 7-нний 1946 шинал увссар скрипкабишу, Дагьусттаннал халкьуннал артист Мурад Абуев.

Апрель зурул 9-нний 1975 шинал увссар жяматийсса иш-ккаку ЖахИпар Абуев.

Увсса кьинилуцун Ванал ца илданий мудангу кьиматрай дуссар



Муслим Даххаев увссар апрель зурул 10-нний Цуссалакрал райондалийсса Цуссаккуллал шяраву, чIавусса оьрчIру бусса кулпатраву. 1999 шинал, Цуссалакрал райондалий дьэвилул ишру нанисса чIумал, Муслим Даххаевлул хьуннасса гьурттушинна дурссар террористьгал Цуссалакрал аьршарая буккан бавриву. Тай иширттаву ккаккан дурсса чувшиврухлу лайкь хьуссар Кьучагьшиврул ордендалун ва «Дагьусттаннал халкьуннал Виричу» тIисса бусравсса цIанин. Жун хьунмасса пахру буссар жула Виричуна.

ДакIнийн бутан, 1999 шинал ярагьуннил балгусса дуниялул

террористьгал Цуссалакрал аьршарайн бувххун, Цуссалакрал шяравалу вив ларьсса чIумал, РОВД-лул зузалт кьучагьну данди бавцуссар террористьтурайн. Цуссалакрал аьршарайри цаьк хьусса тири-хьери хьуну нанисса Аьрасатнал билаятрал цашиву. Ва плацдарм хьуссар Дагьусттанналгу, Аьрасатналгу цашиврул барашиндарал дайдахьуну. Муслим Даххаевлулли та чIумал махьрамахьсса патрон кьуртал хьуннин талан амру бувсса, хIатта террористьгал, ярагь шяв бишара, зула ххулийх гьан битанну тIий бунува. Муслимлул ярагьгу шяв кьабивхьуссар, кьучагь куна талай, террористьтурал шалкьувату цувагу увкссар, цала зузалтгу, ярагь ва кьютIсса документругу, Липецкалал ОМОН-гу буккан бувссар. Ва дакьарив чувшиву? РОВД-лул кIия зузала апалул хьуну махь Аьрасатнал Виричунал цIанин лайкь хьуссар.

Жула лакрал ва Дагьусттаннал аслансса арс увсса кьинигу барча дуллай, чIа тIий буру Муслимлул цIуллу-сагьшиву, цала чумартсса ва чувшиву ххисса дакIнин лавхьхьусса кьимат.

Барча аврицун ххи буллай ура вай назмурдайсса цаппара ххаругу.

Вийн бивтун бур куни, нигьа кьабувсеру, Оьрмулухун талай ина уну тIий. Оьруснал гьалмахтал ясир кьабуван Ина хьхьурду дуртссар цIарал дяниву.

Мигу ххассал бувссар нитти-бутгахьан, Мюршисса оьрчIаран, азиз кулпатран. Ина дур га чIумал виричушиву, Шалва Аьрасатнан дакIнийссар ттигу.

Хьун даву дулуну, ина лавнигу, Цуссалак вин тачIав хьамакьабивтссар. Мадарасса оьрчIру, формарду ларххун, Муслимлуха лашан гьирарай буссар.

Цуссалакрал жямат хьунин букканну, Даххаевхьал Муслим хьунаакьинну. Ци ккаккун бунугу, дард мадувара, Ви ца-бакI илданий кьиматрай дуссар!


Зайнулла Мирзоев, ДР-лул лайкь хьусса хIакин

Баян

«Илчилий» бишлашисса барча бавурттал текстру буссар укуннасса барча баву – 200 кь. суратрашалсса барча баву – 500 кь.

Бусравминная ЗахIматрайну лайкь бувсса хIурмат

Оьрмулул ххулий дурхIусса захIматшивурттал сасан бувсса жагьилтурая хьуну бикIай бусравсса инсантал. Дьэвилля махьсса захIматсса шиннардийн оьрчIшиву тIайла дарцIусса, чIавасса оьрмулий захIматрал кьядру кIул хьусса, яхI-кьириятрай оьрму бувтсса адамина ур Ккуллал шяравасса Давдиев Кьурбан Аьбдуллагьлул арс.



Имара САИДОВА

Кьурбан увну ур 1939 шинал апрель зурул 8-нний Ккуллал шяраву. Нину дунияллия ларгсса чIумал ванан диркIун дур 5 шин. Кулпатраву бивкIун бур 8 оьрчI. Мюршисса оьрчIру баябалну ливчIсса бавну, та ппурттуву армиялийн лавгун ивкIсса вайннал ппу зана хьуну ур шавай.

Ккулув Кьурбаннул бувккуну бур ацIва класс. Дуккаву кьуртал дайхту, Цуссалакрал райондалийсса Цуссаккуллал шяраву трактористну зузисса ниттиуссил ва увцуну ур цацIава зун. НиттиуссичIа прицепшикну зий унува, лавхьхьуну бур ванан трактор дачин дан. Ца ппурттуву, Хасаврайн базаллувун лавгсса чIумал, Кьурбаннун бакIрайн багьну бур Механизациялул ва шяраваллил хозяйствалул училищалулу дуклакисса цала шяраву оьрчIру. Училищалулун уххан ччисса цала пикирлия Кьурбаннул бусун бур ниттиуссихьгу. Кьурбангу увцуну, лавгун ур училищалулун. Гикку Кьурбаннухь цIувххуну бур цими класс кьуртал бувссар, ци кIулишивуртту дур куну.

– АцIва класс кьуртал бував, чунчIавгу дуклан кьаувхра, – куну бур Кьурбаннул. Цува тIурча, та ппурттуву, Москвавуллул Художествалул академиялул институтравун документру булуну, ялугьлай ивкIун ур


Кулпат РайхIанатлуцал

тиха оьвчиннин. Академиялува оьвкуну бур, артист хьун ччай ухьурчан, ххюва-ряхва инструментрай рудин кIулну бикIан аьркинссар тIий. Муния пайда кьавхьуну бур.

Училищалул мастернал, тракторгу ккаккан дурну, цIувххуну бур ванахь хьунссарив кьур дан куну. Опыт бусса трактористнал кунна, Кьурбаннул трактор, кьургу дурну, ккаккан бувсса кIанттурдайх устарну дачин дурну дур. Ва хIадурнувацца тракторист ур куну, вайми январьданий кьамул байни, Кьурбан ца зурул махь, февральданий, кьамул увну ур.

Училищагу ванал марцIсса ххювардай кьуртал бувну бур. Зун ивкIун ур, хьхьичIавагу цува практикалий ивкIсса, Цуссаккуллал МТС-рай. Цаппара шиннардива, кьутаннай трактористьгал аьркинну бур тIий бавну, лавгун ур. ХIарачат ялттуну зий ивкIун ур Бабаюртливгу. 1958 шинал Кьурбан увцуну ур армиялийн. Гиккугу ва най унува аьралий автошколаллийн увцуну ур. Полкравусса автошколаллийн ряхва зуруй ккалайгу ивкIун, ивтун ур роталул командирну. Армиялия зана хьуну махь дуклан увххун ур Азирбижаннал политтехнический институтрал механизациялул факультетрайн. 1966 шинал хьхьичIунсса хIасиллашлал кьуртал бувну бур ва институтгу.

Муния махь зун ивкIун



Кьурбан Давдиев

ур МахIачкьалалал аэропортрал автобазалин инженер-механикнун. Шикку цаппара шиннугу дурну, кьамул увну ур Автодорожный техникумравун (цIанасса Автомобильно-дорожный колледжравун). ХIал бавкьусса, ххуйсса кIулшивуртту дусса пишакар цацIана зун учIаврия ххари хьуну бивкIун бур техникумрал зузалт. ХIасил, чун гьарчангу, ва цала кIулишивурттайну мудангу тIалавну ва бусравну ивкIун ур.

Техникумраву ва дихьлай ивкIун ур машинартту бакьин баврил, автоперевозкартту, технический обслуживание даврил, автомобильлал теориялул ва цаймигу дарсру.

Курсовой ва дипломный давуртту чичлачисса чIумал, аьркинсса луттирду, материалу дакьа, студентьтуран ми дуллан захIмат хьанахьшиву бувчIлай, Кьурбаннун пикри хьуну бур оьрчIан кумагрансса методикалул жуж итабакьин. Ванал канила бувккун бур «Ремонт автомобилей и двигателей», «Дипломное проектирование ремонта автомобилей» тIисса учебникру. Вологда шагьрулийсса «Инфра-Инженерия» типографиялий цала харжирацIух итабавкьуну бур «Ремонт автомобилей и двигателей» тIисса элмийсса пособиягу. Вай луттирдугу ванал бавчIуну бур республикалул техникумиврттал, Шяраваллил хозяйствалул академиялул студентьтурайн.

Ванал итабавкьусса луттирай дакI даркьусса типографиялул директорнал Кьурбан цацIала хIала-гьуртту зунсса кьютIи дуллай ивкIун ур.

Цуллу-сагьшиврул ссуссу-кьушиврийн бувну, цIанасса ппурттуву Кьурбан цува дуллай ивкIсса элмийсса давурттурагу бакIуйн дуккан дан хьанай акьар.

ХхюцIаллахьул шиннардил мутгалий колледжраву зий бивхьусса захIматрахлу дулуну дур ванан «ДР-лул лайкь хьусса учитель» тIисса бусравсса ца ва диялсса ХIурматрал грамотартту.

Цума-цагу инсаннал оьрмулулу агьамсса кIану бугьлай бур бавкьусса, кувннан кув бувчIайсса кулпатрал. Оьрмулухуну, цIанагу Кьурбаннул чул бишай кIанунугу, дакI тIайласса кумагчинугу, маслихIатчинугу бур ванал кулпат РайхIанат.

Увсса кьини барча дуллай, чIа тIий буру Кьурбаннун цаькьсса цуллушиву, кулпатраву нахIу-хIалимшиву.

Жул буттахъал мина

«Ссалам, зунттал ттиркьюкый»



КГБ-лул полковник
Растиван Беков

- Растиван, байбихулий виятува, вила тухумрая бувсун ччива.

– На увну ура 1955 шинал Цуссалакрал шяраву, чйавусса оырчйру бусса кулпатраву – ххюва душ ва шама арс. Тул ппу Беков Хизри Ттурчйял шяраву (бизан баннин) цал советрал председателъну, яла колхозрай

Ттурчйял жяматраву махъ нанисса, хйурматрайсса инсантурая сакин дурну дур «Ттурчйидагъ» тйисса жяматрал масъалартту шаллу бавриха зузисса ккуран. Ва ккурандалул бакйичинугу увчйуну ур чулийн увксса полковник Растиван Беков. Ва чйавусса шиннардий зий ивкйиссар КГБ-лул органнаву ва цаймигу жаваблусса давурттай. Цаявагу, ккурандалиягу цйухху-бусу баву мурадрай, жу хъунабавкьюру ванащал.



Ттурчйи



Аьрасатнал Виричу
Мутай Исыев

квив лагайсса бивкйун бур.

Цалчинмур Лениннул орден жул шяравучу Аьлиев Мирзан дуллуну дур Мичихичнаву ва Туркманнаву къачагътуращал иллай ивкйун тйий.

Буттал кйанттул цйанийсса дяъви байбиххусса чйумал Ттурчйял шярава 76 инсан увчуну ур. Миннава 28 зана къавхьуну ур.

1999 шинал хъусса дяъвилый Исыев Мутай Аьрасатнал Виричу хьунни, 12 ттурчйиричунал

тйисса стоматологиялул центрдул директор. Хйакъсса патриотри. Ванал цува ва къуллугърая тархъан увара тйий тавакью буну, жяматрал чйурдайну на ивтунна. Тйайламур бусан, на нйгагуувсра, ххаригу хъура жяматрал ттуйнна дурсса вихшалалия.

Жяматрал масъалартту хъхьичйун ласлай, жагьилтуран ччан бивкйунни цалчин шаллу бан Тазиятрал къатлул масъала. Гъану бивзун 5 шинай бавчйуну буссия ва къатта Новостройрай. Ччан бивкйунни гиккува жаназа лази-лаккйи дайсса къаттагу бан, чай хйачйансса кйанугу бан. Цйуницйа проектту дурну, гъанугу лахъ буну, чйиртту гъаз барду. Бустаминнул арснал




Цйуссалакрал райкомрал
секретарь, райисполкомрал
председатель, фронтовик
Багъавуттин Сулайманов

Санинал цала чулуха 6 азарва шлакоблок буллунни, мукунсса оырчйругу бур. Гъашину магъи дишинсса пикри буссар. Гьурттушинна дарду ифтарданий, кумагру барду ахйвал кйюласса кулпатирттан, хасъсса аьралий операциялуву гьуртту хъанахъисса ащйния кйия ттурчйири оырчйайх 360 азарда къуруш дачйарду.

Гъарица кумаг аьркинсса масъалалул хйакъйраву жуйн буккайссар, жу, му тавакью группалуву ххал бивгъуну, ца хйукму байссар. Аьмну дукйусса шинал 2 миллион ва 930 къуруш харж дарду личйи-личйисса давурттан. Гъашину дулланссагу давуртту чан къахъунссар.

- Цйуцинна ина цйуницйа бизан баврия?

– Га чйумал хъуиминнал хйукму бунна бизан бан, шанна шинал дянив къатригу дурну, кйулли канихъхьун дулунтйиссар тйий. Ми шартйирдай бавчйуна цала Цйуссалакрал жямат, амма му хъявринсса ишну хьунни. Бизан буллалыйни буссия цала-цала жяматран компактнайну къатри данну тйий, къатригу компактайну къадунни. Циксса хъунив хъусса халкъ ливтйуну бур ххал бара, къатри даннин ялугълай буна? Чув дур подъемнайрду, компенсацияртту къаритлатисса къатрах? Хйасил, барткъабивгъусса мурадду, захйатшивуртту чан дакъар. Амма жу, цуксса захйатшиврухун багълай бунугу, бизан бансса хйукму къамул баву къатйайласса къабивкйиссар тйий буру. Барчаллагъ тйий буру Госсветрал хъунама Махйаммадаьли Махйаммадовлуйн, жува бизан буну тйий, кйиккува оьрму бутаву захйат хъанай бия жун. Кйиккува оьрму бутлан ялуялун захйат хъанай бия, шанна шяравалу, къатригу дарххуну, ларгуна, 50 шинава лак чан хъун най бия 85%. Утти жу Ттурчйял



Райондалул цалчинма
секретарь, Захйатрал Ятйул
ттугълил ордендалул заллу
Юсуп Мирзоев

зий ивкйун ур. Яла Хасаврайн ивзун, хъунмасса хйаллай гикку заготовительну зий ивкйиссар. Тул шанма ссу элмурдал кандидатътал хъуну бур, уссу Рустам биологиялул элмурдал докторди, зий ур Москвалив. Вьетнамнаву ва Италиянавугу зий ивкйиссар мадарасса хйаллай. Хъунмур ссу Сиясат Дагъустаннай цалчинмур хъамитайпар физика-математикалул элмурдал кандидатнал ца ларсъсса.

На, Дагъустаннал университетрал биологиялул факультетту къуртал буну, Хасавюртуллал шагърулул комсомол давурттай зий уссияв – цал шамилчинма, яла кйилчинма секретарьну. Махъ тйайла увккунав КГБ-лул органнавун. Микку отделданул хъунаманал къуллугърайн иянин, полковникнал чин ласуннин зий уссияв. Махъсса ппурттуву зий ивкйира Дагъустаннал Террорданийн къаршисса комиссиялул жаваблусса секретарьну, Дагъустаннал Бакйичинал маслихатчину. Захйатрал ххулий лайкъ дурсса орденну, медаллугу дуссар.

Цанакул зий ура Дагнефть-



КГБ-лул полковник, тарихрал
элмурдал доктор
Сахйим Сулайманов

газрал хъунаманал хъиривчуну. Тул кулпат даргиял-ссурихйял миллатрайсса бур. Жул кйива душ ва ца арс ур.

Барчаллагърай икйара та захйатсса чйумал жува, дуккингубуну, тйайласса ххулийн бивчусса нитти-буттайн. Аьпа баннав цинявпагу ахиратравун лавгсса ниттихъалгу, буттахъалгу.

- Ттурчйял жяматрал бусравсса вакил хйисаврай, зула жяматраюгу бусарча ччива.

– Хъхьичйазаманнайва жул жямат Ттурчйайнна-Зунтту мина дирхъуну бивкйун бур. Жул шяраваллициху археологтуран артефактру ляркъуну дур (ххаржан, турду, лахъи ччала ва цаймигу затру). Ми цйанугу Санкт-Петербургливсса Эрмитажрал музейраву дур. Тарихрал элмурдал кандидат Илияс Къаяевлул Ттурчйайн увкйисса чйумал жул шяраваллил хйатталлий ккаккан дуруна Гъумучийл шамхалтурал лишан дусса кйалабарзру. Хъуними никирттал инсантурал бусайва, жул халкъгу, бахйикйулу архйал яхъанай бивкйиссар тйий. Яла жу Ттурчйайнна-Зунттуин бивзун буру. Ттурчйял шяраваллил лакрал ва яруссаннал



Шамхалтурал лишан дусса кйалабарз

шяраваллащалсса дазурду дур. Ттурчйял жямат гьуртту хъуну бур мангъул-татарнащалсса, Тамирланнушалсса, Надиршагънащалсса дяъвирдай. 1877 шиналсса восстанйялуву 27 ттурчйиричунал жанну харж дурну дур. Шяраву шагъидтурал хйатталугу диркйун дур. 1888 шинал цалчинсса переписьрай жул шяраву бур 134 къатта, 106 чу, 1234 яттил хйайван, 256 гъаттара.

Шагъмилов Асланбаг, мунал уссу Зайду ятйул партизантурал къюкъяраву Гоцинскийл къюкъяращал биллай бивкйун бур, яла школалий дарсру дихълай бивкйун бур. Минная дай-дирхъуссар ликбез.

Шяраву кйива мизит бивкйун бур. Ттурчйял шярава мукъа инсан ахътта хйажлийн лавгун ивкйун ур.

Репрессиялухъхьун къабирияншиврул, жул шяравату ливхъун, 15 хозяйство Мичихичнаву, 12 хозяйство Андижаннай, 8 хозяйство Красноводскийл диркйун дур. Шяраву советту, 4 класс бусса школагу бивкйун бур. Чйавуми оырчйру-душру гихунмайсса классру буккин Ккур-

Чувшиврул орденну ларсунни, цаннал – кйийлла. Украиннаву нанисса хасъсса аьралий операциялийгу Мартиннул оырчйан Ахйимадлун Чувшиврул орден дуллунни. Ца яла захйатсса чйумал, мартрал 10-нний, 1944 шинал, интдайдихъулул гъантрай, Сталиннул хйукму буну, жу Аухуллал райондалийн бизан буну буру, мичиххичнал аьршарайн.

- Буси тти инава каялувчйуну зузисса Ттурчйял ккурандалиягу.

– Жул Ттурчйял ккуран (межрегиональная общественная организация «Турчи») сакин хъуну 17 шин хъунни. Кйира шинал хъхьичйи соцсетирдайгу тйитйарду «Турчи-Даг» тйисса группа. Буссар уставгу. Тухумирттал хъунимигу бивчйуну буссар, адресру, телефоннал номерду, пишарду ккаккан буну буссар. Бувчйуну буссар диаспордал хъунимигу.

Жу зий буссару жяматрал масъаларттаха. Бивкйу-буккулий, хъатйи-хъиншивурттай чйарав бацйайссару. Цалчин жул жяматрал хъунаману увчйуну уссия Махйаммад Закаров, «Аслан»





1938-1942 ш.ш.
Лакрал райкомрал секретарьну ивксса
Махмуд Оьмаров



Лениннул ордендалул заллу
Аьлиев Лачал Мирза

ккуррандалул чулуха делегация буну буссар, хьуниминначан буххайсса, гьарца жунма аьркинсса мурадругу ххал бигьайсса чивчуну.

- Зул, ТтурчИиял, жямат

Жул буттахъал мина

«Ссалам, зунттал ттиркьюкьий»



Медициналул элмурдал академиялул член-корр.
Сьядулла Абакаров



Цуссалакрал райондалул бакIчину ивксса
Тимур Амаев



Халкьуннал Мажлисрал депутатну кIийла увчусса
Зайнулла Мирзоев



Музейрал артефактру

гьарца шинал зунттаву-
сса зула шьравун лага-

ру, кIикку хьамал битавансса къаттагума буну бур тIар?

– Цуксса ххуйсса кIану бунугу Цуссалакрал район – аьрши, багьру, вацIри, нехру...

1999 шиналгу жу ва ххассал дурссар, кIилчинмур буттал кIану кунна, оьгу эькибувтIуссар. Амма жул дакIру кIийн хьита тIийнна дур, жула буттал шьравун. КIий къабувсса жагьилтал буттал буттахъал хIатталлийн лагай. Жу жула шьравун, кIийлла вертолет дургьуну, левххун лавгру, дукIу 2022 шинал 23 июль-даний «ТтурчИиял кьини» дарду. Машинарттайгу 45 инсан шьравун увкIссия Кегер-Чухьрал чулуха. 2020 шинал жагьилсса оьрчIру цачIун хьуну, стройматериалданул бувцIусса УРАЛ машинагу шьравун лахъан буну, къатта буну буссар кIикку инсан-

тал уттубисин бюхъайсса.

- Ттун бавссар зул чIяву-
сса хIакинтал, хаснува
ккарччал устгартал, бус-
сар тIий?

– Цалчин, жул райондалий медициналул ларайсса кIулшивуртту ларьсса цалчинсса хIакин хъанай ур Мирзоев Нуруллагь. Ванал бивзссар райондалий цIуллу-сагьшиву дурччаврил гьану. Ва ххаллисса хIакин эьрат хьуну, чIявуминнал, ва пиша язи бувгьуну, кIяла хьлатру лархссар.

КIилчин, жул уссия ХIажиев Сиражугтин тIисса, Андижаннай ккарччал устгарнал техникум бувккусса, дяввилул чIумал Дянивмур Азиянаву госпиталлай ккарччал хIакинну зий ивкIсса ххаллисса специалист.

Яла, жу зунттава бизан бувкун, Новолакран увкIун, ги-

кку хъанай уссия. 1960-ку шинал ми Азирбижаннавун бивзуна. Тихун цала гьанчу буцлай, тиккува дуккин буллай, ккарччал хIакиннал касму лахъьин дуллай ия.

Гьазиев Закаржа тIисса уссия медициналул элмурдал кандидат, биологиялул кафедралул доцент. Медициналул институтраву дарс дихълай уссия. Мунал шайсса кумаг буллай, чIявусса жул оьрчIру-душру Медицинститутравун буххайва, чIявумигу стоматологиялул факультетрайн.

Цанакул жул ур ца академик-стоматолог – Сьядуллагь Абакаров, ца медициналул элмурдал доктор-стоматолог – Астемир Шайхалиев, ца призма-чемпион, медициналул элмурдал кандидат – Амин Закаров. Жу учару, жул ттурчИиял Сиражугтиннул учкъула гужссар гьарцанна-яр – Дагьусттаннайгу, Аьрасатнаву, куну.

Ахирданий цал уттигу тIакрал бан ччай ура цила буттал шьраваллиха ПатIимат Шагьмардановал чивчусса вай ххаругу:

*Барчаллагь, буттал улчай,
щакъаливхсса барзунттив,
Вихсса ччаврил кIу дурсса
бакI лахIан дуллай бура.*

*Бирлиянтрал пар бусса,
гьаргь ариул гьама бусса,
Ссалам, зунттал ттиркьюкьий,
ТтурчИиял шьравалу!*

Ихтилат бувссар
Анриана АБДУЛЛАЕВАЛ

Давуртта луглагиминнансса ярмукIа

Апрель зурул 14-нийн Дагьусттаннай дайдишинтIиссар агьали давурттал дузал буллалисса «Работа России. Время возможностей» тIисса шалагу Аьрасатнал ярмукIалул цалчинмур бутIул даву. Му даврил агьаммур мурадну бур анаварсса мутталай агьали даврил дузал баву.

Имара САИДОВА

МахIачкъалалив му дайдишинтIиссар «Аьрасат – ттул тарихи» тIисса музейраву сьят 13:00 ва кьуртал хьунтIиссар сьят 18:30. Шикку гьуртту хьунтIиссар 80-хьул предприятияртту, 500-нийн бивсса вакансияртташчал. ЯрмукIалий гьуртту хьунтIисса предприятиярттавух дур: АО «Завод им. Гаджиева», АО «Завод Дагдизель», АО «Концерн КЭМЗ», ООО «Каспийский завод стекловолокна», АО «Мостоотряд-99», ОАО «Денеб», ООО «2 ГИС-Дагестан», ООО «Визаж косметикс», ООО «Фирма АС», ООО «Опт-Трейд-Лимитед», ООО «З&М-ГРУПП», «Павлония» кафердал сеть ва цаймигу предприятияртту.

Давуртту лякъаву бакъассагу, пишакартуран кIул хьунтIиссар даврил даража гьаз бансса ва тIалавсса пишарду лахъьинсса куч.

– Шалагу Аьрасатнал даражалйсса вакансиярттал ярмукIалул цачIун буллалиссар республикалул чIиримур ва дянивмур бизнесрал промыш-

ленностьрал, экономикалул ва цаймигу тIалавсса сферардаву даврил шаллу буллалисса ва давуртта луглагисса инсантал. ЯрмукIалийн бувкIиминнаша бюхъантIиссар, давурттал дузал буллалиминнашал ихтилат буну, жула региондалий дакъассагу, региондалул къатIувгу давуртту лякъин, – увкунни ДР-лул захIматрал министр Мурад Казиевлул.

Мунал мукумна бувсунни личIи буну бикIантIишиву давурттал дузал буллалиминнал ва давуртта луглагиминнал ихтилатру бан ккаккан бувсса, даврил шартIирдая ва вакансиярттая бусласисса стендру дусса площадкартту:

– кIулшивуртту дулаврил идарарттал тIалавшиннарду дусса пишарду лахъьин буллансса.

– цивппа заллусса даву дачин дан ччиминнал (лавайсса даражалул карьерарду дачин дурсса консультанттурал чIарав бацIаврийнусса) кумагрансса.

– цIуллушиврул ссуссукуьшиву дусса инсантуран карьералул чулухасса кумагрансса

маслихIатру буллалисса.

– мастер-классру буллансса ва цаймигу.

Агьали давурттал дузал баврил вакансиярттал шалагу Аьрасатнал ярмукIалул кIилчинмур бутIул даву дайдишинтIиссар июнь зурул 23-нийн. ЯрмукIалул федерал бутIун хасъсса «Робота России» тIисса порталданий кIул бан бюхъантIиссар регионнаясса давурттал дузал буллалисса хьхьичIунсса ишбажаранчитурая.

Вакансиярттал ярмукIалий бикIантIиссар студенттуран, выпускниктуран цанасса обрмулву тIалавшиннарду дусса пишарду язи бугьансса маслихIатру буллалисса эксперттал.

ДакIнийн бутанну «Демография» миллатрал проектрал лагрулий агьали давурттал дузал буллалисса къуллугьрал даву иширайну зузи дурну душиву.

Объявление

Утерянный диплом № ЕВ – 222159, выданный в 1983 году Дагестанским государственным университетом на имя Сулейманова Камала Исмаиловича, считать недействительным.

Апрель зурул 6-нийн байбивхьуну, МахIачкъалалия аэропорттрайн занантIиссар пассажиртал ххилансса транспорт. Январь зурул 25-нийн ДР-лул БакIчи Сергей Меликовлушалсса тIайланнасса эфирданий бувсса хIукмурдавасса цану бур МахIачкъалалия аэропорттрайн агьали ххилансса транспорт шаллу даврилмур масъала. Ва хIукму дузрайн буккан баву мурадрай, ДР-лул Транспортрал ва ххулурдал хозяйствалул министерствалул МахIачкъалалия аэропорттрайн пассажиртал ххилансса 4 автобус личIи бунни. Автобусу бур уттизаманнул тIалавшиннардал дузал бувсса, 22 инсан щяикIансса кIантту бусса.

Аэропорттрайн пассажиртал ххилансса транспорт занантIиссар



Имара САИДОВА



КIивагу чулухунмайсса графикрайн буну автобусу занантIиссар сьят 06:00-нийн 21:00-нийн бияннин.

Автобусирттал дайдихьуллул ликказан дикIантIиссар Имам Шамиллул цIанийсса проспектрайсса «Этажи» машлул центрданийн тIайлану. Автобусирттал маршрут дикIантIиссар Имам Шамиллул цIанийсса проспектрайх, ХIажи Булачлул цIанийсса кучалийх ва Каспийск шагьрулийнсса цIусса трассалийх аэропорттрайн бияннин.

МахIачкъалалия аэропорттрайнсса автобусрал багьа бур 100 кьуруш.

Фотосуратирттайнусса жула тарих

Ттул Бурттул



Укунсса чIалачIин диркIссар Бурттунал шяраваллил зунттава дизан дан хьхьичI



ТтрацIув ччар дуллалисса кьини. 1934 ш.



С. МахIаммадов



Т. Саздов



Аь. Оьмарова



Б. Китлаев




А. Саздов, Н. Китлаев, Д. Саздов, М. МахIаммадов.
Ростов-на-Дону. 1938 ш.



Гьурбатрайсса хьунабакьаву. 1940 ш.



З. Китлаева




Оь. Оьмаров



Бурттуннал хъами-душру. 1939 ш.



Д. Саздов



Ш. Махлмамдов



Маркьял шярвун хъатлуйн нани ххуллий



А. Саздов



Аь. Махлмамдов



Цуссалаккуй. 1959 ш.




А. Кьурбанмахлмамдов



З. Цаххаев



У. Аьлиева



Аь. Аьлиев



Урчлах Бурттуннал Аьйша

Дин, иман, ислам

Лакрал ифтар— миллатрал цашиврул лишанни

Сакиншиндарал комитетрал вакилтурал бувсмунин буну, рязазарунниха ливчусса инсантал бавтун бия. Цумур залданувун лагайссия вайксса лак укун хъунмасса мизитравун бакъасса? Цуксса къаххуйри ца миллатрал инсантал, оьрмулун хъуними, жагъилми, мюрщими, къулдугъчитал, захъиматчитал, динчитал, интеллигенция, дурккуми, къадурккуми, аваданми, къааваданми личи бакъа, ккуркки лагаву?

Аьдотрайн буну, мероприятияе дайдирихъуна мубараксса Къурандалул аятирттайну. Мероприятие дачин дурну ия Азим Давыдов. Бавтцириннал хъхъичун бувккун, ихтилатру бунна: Дагъусттаннал муфтинал хъиривчу Ахъмад Махъаммадовул, Лакрал райондалул имам Мухъаммад Ссаламовул, Гъумучиял имам Ансар Сулаймановул, Цуминалийсса имам Мансур Хаваевул, Махъачкъалаллал № 49 школалул

ссара, ва шамилчинсса ифтар хъанай дунуккар. Шиная шинайн ванил даража гъаз хъанай бур, ялу-ялун агъалигу чъавусса батлай бур. Шагърудул зума-къирагърайсса, лага-бучлан къулайсса клану бакъахъурчагу, чъавусса агъали бия. Ххари бунуна волонтертурал дянив чъавусса оьрчру бушаврил. Тарбиялул ца яла ххуймур къяйдар оьрчру ва давривух хъала буххан буваву.

Махъаммад-Расул Къурбанов:

– Рамазан барз бусурманансса дарсирдал барзри, мадрасар, школар. Зума дугъварийну жунма, къинилун кийла бунугу, ччатул касакрал ва шинал ххувлул къимат гъаз хъанакъиссар, ва ифтаргу жула цашиврул лишанни. Ххаришиврул чанна лавхъсса симанну дур ва кланай, Аллагнайн вихсса инсантурал дакурдил ххаришиву кувнайх кув дачлай, ца ххуйсса байрандалул асарду бур цинявннав. Вайксса инсантуран ччат бишинсса, укунсса даражалийсса мажлис бунансса даву бигъасса дакъассар, барчаллагъ тий ура, ва давриха



директор Абдулкарин Айгуновул ва цаймигу бусравсса инсантурал.

Чъаруя бавтцириннансса бахшишу. Лях-карах тий бия нашидру. Рамазан зурушал лакку мазрай барча буллалисса оьрчал видеоролик дия. Медициналул клиникалул, ресторанал, ттучаннал чулухасса бахшишрал сертификатругу дия. Чивимур хъажлийнсса - оьмралийнсса путевкардал кунурду бувккуну, тлайлабацун хъуна тележурналист Карина Далиевангу, Къубату ва Цуцарния мархри нанисса Шамиллунгу.

Мансур Хаваевул барчаллагъ увкуна ва ифтар лавайсса даражалий гъаншиврул ка-кумаг бувцириннахъ. Личинура кийларгуна, зума итадакъинсса пулав бунансса пиринжрахсса багъа буллусса, Мариян Илиясовал цанийсса «Дараччи» фондрал ца. Шиккува кийларган, фондрал хъунмур Гульшан Хасаевал бувсунни «Дараччилул» душаврал сахаватну ка кидархушиву, дартисса арцу дачи ифтарданун кумагран дуллушиву, дачи Украиннавусса иширттаву гуртту хъанакъиминнан аьркинмур ласун дуллалшиву.

Утти ифтарданий гуртту хъуминнал цаппарасса пикриду:

Самрат Горчханова:

– На уттинин дурсса лакрал циняр ифтардай гуртту хъу-

Рукъижат Мусаева (Буйнакск):

– На бувсса къини дия ва къини, на ттула уссур-суннахъ увкуссия, оьрмулун хъмакъаритансса къини хъунтиссар, жува циняв ифтарданий гъарча куну. Шаппа цацун бавтунува биклару, ифтарданий дурсса дуь личиссар, агъалинал чъарав зумув бивхъусса ччатул хъис барачатсар. Сант дагъну дунура, 1-мур Цувкуллал шярваллил агълу чъавусса бивкшивугу кийларган ччива. Душру ва чиварк хъисав буну, чан бакъа, ца ххюцала, ряхцала инсан ухъунссия. Зумардугу итадаркъуну, чакругу буну махъ, цацунмай хъуну, ца ххуйну дуссухалугу буварду.

Саидат Къурбанова:

– Тпайламур бусан, цалчинна на укунсса ифтарданий гуртту хъанакъисса. Ссурваврашал бувкйра. Хъинниха жула диндалия куну биклан, лак цаннан ца ххал хъун. Ххари бунуна лакрал имамтурал устарну, пасихину лакку мазрай бувсса ихтилатирттал. Инсан ххуйну ниттил мазрай гъалгъа тугтисса чумал, га ссая гъалгъа тий ухъурчагу, вичи дишин гъира биклай. Имамтал Мансур Хаваевул ва Мухъаммад Ссаламовул пасихисса лакку мазрай бувсса ихтилат асар хъунни. Ялунчингу цацун батин цуллушиву дулуннав!

зий, захъимат бивхъуминнахъ, кумаграл ка кидархунахъ.

Зарема Аьлиева (ш. Тула):

– На Тула шагърулий буре зийгу, яхъанайгу. Укунсса ифтарданийгу цалчинна хъанакъисса. Уттигъанну кунма, на къамул бунуна Мариян Илиясовал цанийсса «Дараччи» фондрал Москавлывмур филиалданувун, ххарира мукунсса тлайлабацун ттунма шаврия. Бюхансса, бавтцириннан асар хъунсса ихтилатру бия лакрал имамтурал, жаматийсса ишккакултрал, динчитурал. Чъавусса мюрщисса оьрчру бия, къатувсса дякъия нигъа къабусун бувкисса бугъарасса агълугу бия. Бавтцириннаву бия шанна-мукра шинал мутталий мизитраву лябуккулий чъарусса давуртту дурну дур тисса хаварду. Ва мизит баврицун кабакъакъисса цинявннанмагу барчаллагъри. Ва ифтарданул барачат ва цуну буллалисса мизитравун бавтисса цинявннал къатравун бухханнав. Жула миллатрал гъарца дайсса даврий барачат бишиннав! Ва ифтарданий дурцири дуьардугу Аллагу Таьлалан къамул дуваннав!

Суратру

Арсланаьли Сулаймановул, «Ислам Лаккуй» порталданул администраторнал

Гъар шинах кунма, гъашинугу Москавлыв зума итадакъин ччими батлавансса чятир бившуну бур Мемориал мизитрал чъарав, Поклон-Зунттугуй. Ацунниха ливчусса шинур «Рамазан зурул чятирду» бишлай Москавлыв, 1500 инсан агъайсса ур миккун гъар къини зума итадакъин. Ва даврил сиптачитал бур Москавуллал Бусурманнал рувханий управление ва Москавуллал Хукумат. Ва, ихъандалул проект дакъагу, культуралул проектгу хъанай дур, Къыримнал, Ингушнал, Дагъусттаннал къинирдугу дувайну тий.

Рамазан зурул чятирдану



Март зурул 31-ний, 500-ниха ливчусса инсанталгу бавтун, дунни Дагъусттаннал къини. Аьрасатнал Президентнал Москавлывсса Дагъусттаннал Постпред Владислав Толстюккул, Дагъусттаннал хъунаманал ва цала цанияту бавтцири барча булла, кийларган лавгунни гъашинусса «Рамазан зурул чятирданул» лозунг душиву «Насихлатшиву. Хъиншиврул обратну ацун», Аьрасатнаву педагогнал ва насихлатчинал шин баян буну бухъувкун. Бувсунни Ухсавнил Къавказнаву дакъаву ва аслахшиву ядавриву махъ нанисса динчитурал бияла хъунмасса бушиву ва исламрал гъанурду тарбиялуву къиматрайсса чул бишай тарцируну хъанакъисшиву. Ва мероприятилий гуртту хъунни Москавлывсса Дагъусттаннал культуралул центрданул ва Мариян Илиясовал цанийсса «Дараччи» фондрал Москавлывсса филиалданул вакилталгу.

– Зума итадакъин цацун батлаварилгу исват бунни жула агъали, цивппа чув бухъурчагу, цалва миллатрал культуралул ва диндалул аьдатирттал

хъурмат буну къуцуну тий бушиву, – увкунни Мариян Къаландаровал.

«Укун цацун батлавариву, ккуркки лагавриву диялсса ххуйшивуртту ва хъиншивуртту дуссар, хайр-мюнпатрансса ихтилатру хъунни, агъали рязину ливчунни тий, хъакъинусса къинигу чичлайнма бур ттучлан, барчаллагъри ва даврил сиптачитуран», – тий чивчунни Дагъусттаннал хъунама Сергей Меликовул цала Телеграм-каналданый.

Лакралмур ифтаргу дунни, Москавлывсса ва Москавуллал областьрайсса агълугу бавтун, апрель зурул 2-ний. Хъхъичи къини Махъачкъалалийсса лакрал ифтарданул хъунама хъар ларъсса, Цуминалий имамну зузисса Мансур Хаваеву гуртту хъунни ваний. Ва ифтарданий Мансурдугу, ихтилатру бувциринналгу кийларган лавгунни исламрал диндалул ххуллу-хха бурувчуну къуцуну тун аьркиншиву, жагъилтурал ва оьрчал диндалул кулшивуртту куртугу, цакъгу дуллан аьркиншиву..

Лажин хъадур дурссар Патимат РАМАЗАНОВА

Жижара


**АБДУРАХИМНУЛ
АРС
ХАВЧАЕВ
АБДУЛЛАГЪ**

Апрельданул 1-нний, къашавай лахъи хІалгу къабувну, аьпалухъун лавгунни дугърисса лаккучу, лакралгу, Дагъусттанналгу дяннв ца дурксса Къукуннал шяраватусса Хавчаев Абдуллагъ Абдурахимнул арс.

Абдуллагъ увну ур ноябрьданул 24-нний 1938-ку шинал хІурмат лавайсса Абдурахимнул ва Шарипатллул кулпатраву.

1956-ку шинал Ккурккуллал дяннмур даражалул школагу къуртал буну, 1957-1960-ку шиннарди кьуллугъ буллай ивкІун ур совет аьралуннаву, Туркманнал дазуй пограничникну. 1964-ку шинал Саратоврал юридический институту къуртал буну, 1965-1972-ку шиннарди зий ивкІун ур Буйнакс шагьрулул прокуратуралий хъунама следовательну. 1973-ку шинал увчІуну, ацра шинал муттали зий уссия Дагъусттаннал Верховный судрал члену. 1983-2000-ку шиннарди МахІачкъалаллал Советский райондалул судрал председателъну, муния махъ 2008- ку шинайн ияннин – Дагъусттаннал Верховный Судрал председателънал цалчинма заместительну.

Хъуннасса къурчІишиву кІидачІлай, дакІнийхтунусса жижара буллай буру Хавчаев Ссалам Абдурахимлул арснахъ, ванал уссу

АБДУЛЛАГЪ

жюятува батІул шаврийн буну.

Цал бунагьирттал аьпа баннав, рухІ хъинний дишиннав, алжаннул ххари аннав. Махъминнал оьрмурдай барачат бишиннав.

МахІачкъала шагьрулул 34-мур школалул ТОКС-рал кьокьуллул цания Галина Къараева

Баян

Редакциялуцун дархІусса тІалавшиннардайн буну, «Илчилий» бишлашисса жижараттал текстру буссар укунсса багьрал лагрулий: укунмасса жижара – 200 къ., суратрашалсса некролог – 500 къ.

«ИЛЧИЛУЛ» редакция

Мукъцалунния лирчусса шиннарди судрал системалий зий, Абдуллагълул ккаккан бувсар цува хъинну лавайсса даражалул специалист, давриву ляличІину дакІ марцІшиву дусса, тІайлашиву дайсса зузала ушиву, мукунна цакъсса тІалавшин дайссия цинявпагу судьятурагу. Дагъусттаннал бакъа, Аьрасатнал Верховный судрал дяннвгу уссия хъинну лавайсса хІурматрай.

Давриву ккаккан дурсса хъхъичІуншивурттахлу лайкъ хъуну ур личи-личисса хІурматрал лишаннан ва бахшиширттан – Аьрасатрал Хъунмур квалификациялул коллегиялул дулуну дур судьятуран дулайсса яла лахъмур чин, Дагъусттаннал Госсоветрал ХІурматрал грамота ва цаймигу личи-личисса бахшишчу.

Абдуллагълул ххуину кІулссия ва дурочайссия зунттал тІул-тІабиабту, мува даражалий гарбия буллай уссия цала оьрчІругу, оьрчІал оьрчІругу. ЛяличІину ххирасся лакку мазу, Лакку кІанугу, цала буттал шярвалугу, гьарца отпуску гъан байссия Къукуннал Лагма-ялттунашал уссия хъинну иминсса, хІал бавкъусса, дусталу ххирасса, ми буруччингу кІулсса. Ванал къатлул цакъсса тгарцІну хъусса инсанну буссия ванал кулпат ПатІимату, тІивтІунмасса ненттабакІрашчал гассят ссупра хІадурссия хъамаллуран.

Абдуллагълул ва ПатІиматлул хъуни буну, ччаннай бацІан буну бур ххаллилсса шама арсгу, ца душгу.

Абдуллагълул бунагьирттал аьпа баннав, цал рухІ алжаннул ххари даннав тІий, ванал къурчІисса бивкІуллул къумашиву кІидачІлай, дакІнийхтунусса жижара буллай буру кулпат ПатІиматлухъ, душнихъ, оьрчІахъ, уссурвавахъ, ссурвавахъ ва махъсса цинявпагу гъанмаччанахъ. Зул оьрмурдай барачат бишиннав, зухъун цІуллушиву дулуннав, къурчІишиву лагъ дансса ххаришивуртту ялун дияннав!

Къукуннал ва Карашрал жяматру


**ХІАЖИНАЛ АРС
ХІУСАЙНОВ
АБДУРАХИМАН**

Март зурул 10-нний цакуну жула дяннвату личи хъунни ДГУ-лул «Менеджмент» кафедралул хъунама, ХІажинал арс ХІусайнов Абдурахиман.

Увну ур Абдурахиман 1948-кусса шинал ТаджикІнаву Душанбайлив.

Дагъусттаннал паччахІлугъ-рал университетрал инженер-техникалул факультет къуртал буну махъ ванал захІматрал ххуллу байбивхъуну бур «Дагъстангражданпроект» тІисса проектирал институтраву инженернал даврия. Зий ивкІун ур республикалул комсомолданул ва партиялул давурттай.

УвчІуну ур МахІачкъалаллал

Ленинский райкомрал 2-ма секретарьну, зий ивкІун ур Обком КПСС-рал отделданул каялувчину, «Кавказский биржевой банкрал» правлениялул председателъну, МахІачкъалаллал администрациялул бакІчинал хъиричІуну, ДР-лул Президентнал Информациаьлул ва пресс-службалул начальникну.

Чув ци кьуллугърай ухъурчагу, гьарцагу цацІунмасса буржру ванал бартбигъайсса бивкІссар лахъа-хъунсса даражалий, кІулшиву ларайсса, чантІ увкусса инсаннал ва профессионалнал зумуну. ХІалалгу бувссар гьарца чулухасса хІурмат ва кымат.

Ва ур экономикалул элмурдал кандидат, ДР-лул лайкъ хъусса экономист, ДР-лул ПаччахІлугърал премиялул лауреат, СССР-нул Граждан обороналул хІурмат лавайсса зузала, Аьрасатнал Муниципал академиялул мыйжаннугусса член. ЧІарур цайми-цаймигу титуллу ва наградартту.

ЗахІматри Абдурахиманнул кулпатрал, арснал, аьзисса душваврак дакІру рахІат дансса махъру лякьин. ДакІнийхтуну кІидачІлай буру вайннахъ хъуннасса пашманшиву.

Абдурахиманнул бунагьирттал аьпа баннав, рухІ паракъатний дишиннав, махъминнал оьрмурду лахъи баннав.

Дустурал, гьалмахтурал цания Абдурахиман Адамов


**АБДУЛКАРИМЛУЛ
ДУШ АЛХАСАНОВА
ПАТИМАТ**

Оьрмулул 73 шинаву аьпалухъун лавгунни ас-намус ххисса, дакІ-аьмал авадансса зунттал хъамитайпа, Къукуннал шяраватусса Абдулкаримлул душ Алхасанова ПатІимат.

ПатІимат буну бур 1950-ку шинал Къукуннал шяраву, мыйва оьрчІал нину-ппуну хъусса

Абдулкаримлул ва Залихатлул кулпатраву.

Шагьрулийн бивзун махъ ПатІимат хъунмасса хІаллай зий бивкІун бур МахІачкъалаллал янна дуруххай фабрикалий, лайкъгу дурну дур хІурматрал грамотартту ва барчаллагьрал чагьарду.

ЗахІмат ххирасса, тІул-тІабиабт уздансса ПатІимат мунангу хІурматрай бивкІссар даврил уртакътуралгу, жяматралгу дяннв.

Цила оьрмулул дус ХІасанушчал архІал вайннал ххаллилну хъуни бувссар шанма оьрчІ – кІия арс ва ца душ.

ПатІимат аьпалухъун лагаврил пашманшивугу кІидачІлай, дакІнийхтунусса жижара буллай буру ласнахъ ХІасануш, арсурвавахъ Арсеннухъ ва Зияуттиннухъ, душнихъ Анжелахъ ва махъсса цинявпагу гъанмаччаминнахъ. Цил рухІ алжаннун нясив даннав, имандалий лавгун лякьиннав, махънал оьрмурдай барачат бишиннав.

Къукуннал жямат


**МАХІАММАДЛУЛ
ДУШ РАДЖАБОВА
МИЯСАТ**

КІувурдал шяравасса ххаллилсса хъамитайпа, ас-намус бусса инсан, зузала, МахІаммадлул душ Раджабова Миясат аьпалул хъуну мукъцал лавхъунни.

Буну бур Миясат 1940-ку шинал Дагъусттаннал халкъуннал артист, РСФСР-нул лайкъ хъусса артист МахІаммад Мусалаевлул ва Зувайрижатлул дяннв.

Кулпатраву 10 оьрчІ буну, ниттин кумагран, 5-мур класс бувккуну махъ Миясат лавгун бур фермалийн дояркану. КІувурдал колхозраву зий ванил 32 шин дурссар, вай шиннардил муттали бувсса дакІнийхтунусса захІматрахлу лайкъ хъуссар райондалул ва республикалул лагрулийсса личи-личисса бахшиширттан, медаллан.

Миясат ялагу зий бивкІссар КІувурдал шярваллил культурулул къатлувугу. БувчІуну бивкІссар райондалул мажлисрал депутатну.

Ласнашал, Аблдуссамаллушал, хъунугу буну, дуккингу буну, оьрмулул ххуллурдайн бивчуссар 5 оьрчІ. Чяни аьпалул хъусса ласная махъгу диялсса гиву цилла хъачІунтгай ларсун най бивкІссар.

Миясат бия хъинсса дакІ-аьмалданулзаллу, лагма-ялттунашал бавкъусса, къатлувун увхманал хІурмат бусса, къашинал лякъа, мякънал къакъари кІулсса инсан. ХІакъсса зунттал хъамитайпалун лайкъну ва бия кару магьирсса, канил цимирагу даву дуван кІулсса. Цилла каруннал шаршмур пишкеш къадурну къатлувун увкІма итакъа-акъайва.

Миясат аьпалул шаврил къурчІишиву кІидачІлай, жижара буллай буру оьрчІахъ Рамазаннухъ, Абдурашидулхъ, Пазиратлухъ, Пакиятлухъ, Валентинахъ, арснал хъаннихъ, махъсса цинявпагу гъанмаччанахъ. Миясат алжаннул ххари буваннав, ванил барачат махъ ливчІун лякьиннав, ванин ххирминнал оьрмурду лахъи баннав.

КІувурдал ва Хьурттал жяматру

МахІачкъалаллал цалчинсса кинотеатр

МахІачкъала шагьрулул музейраву тІиртІунни «Темп: от электробиографа к Дому культуры» тІисса цанилусса, шагьрулул цалчинмур кинотеатрданул тарихан хас дурсса выставка.

Бадрижамал АБЛИЕВА

ХъхъичІва Буйнакский кІи-чІираву бивкІсса «Темп» тІисса кинотеатр чІавуссаннан, хаснува бугьарамин инсантуран, дакІнийссар, кІулссар.

Выставка тІитІлатІисса ихтилат буну музейрал директорнал буржру биттур буллалисса Наида Дибировал. Гихунмай ихтилатру

буну Аьрасатнал Федерациялул кинематографистьтурал союзрал Дагъусттанналмур отделениялул председателъ МахІаммад Сулаймановлул, тарихрал элмурдал доктор Эльмира Далгатлул ва м.ц.

Выставкалий ккаккиялун дирхъуну дия кинотеатрданул хъхъичІарасса суратру, афишарду, виваллил план. Ва выставка хъанахъиссар музейрал МахІачкъала шагьрулул цІанихсса кІантурдая буслантІисса «Место Силы» тІисса проектрал бутІану.

Выставка тІиртІуну дикІантІиссар майрал ахирданийнин.



Лакрал халкъуннал учаларттава

Ккашил буригин - ятту тахсирлув.

Хъа бувгъуссияв, муриу хъавхунни.

Мискиннан гъи нину ва птур.

Ятиннал яру мукъаца къавкъвкъсия тлар.

ДакИнийн цунал яру хъа-тайссар.

Балалул цуппа нанисса бувъасайссар.

Мах сситтул, инсан дар-дирдал укайссар.

Мяъна дакъасса махъру-гу, хисав дакъасса аьрххигу къабикIайссар.

Обсса чувнал мукъул ттур дутайссар.

Нигъаувсун ухъурчан, ма-учара, увкуну махърив нигъа-маусара.

Обкъисса мукъунсса ххуллу гъанссар.

Обсса мазран цила къацI-лияр ххирасса цичIар да-къассар.

ПутIуяр кIусса жуав ни-ттихъхъун мадулара.

ПутIимуних маургарача, дуллалимуних ургу.

ТIайлабусул къабакI тIартIссар тIар.

Подписка – 2023

«Илчи» – яла итталумур кказит



Зулайхат ТАХАКЪАЕВА

– Дагъустаннай яла буккаймур кказит цумур бухъунсар, вил пикрилий? – тIий цIухлай бур ца къини Ватсаправу коллага, «Minmog» сетевой изданиялул журналист Диляра ХIасанова.

– «Черновик» бухъунсар, – тIий чичав нагу.

– Ма! Пахру бува инава яла итталумур кказитрай зий бушиврия, – куну, ва сурат гъан дурунни.

– Учачакъай утти шил-бунугу на бусса кIанттай миллатрал кказит шил буккайссар куну, – чичлай бур гихунмайгу Диляра.

Баяйхъунсар Дилярангу

Дагъустан миллатиртгал мазурдийсса кказитру шил буккайссар тIисса зат. ТIайламур бусан, ттун ттинин бакIрайн къабгъссар ва кушуй инсан уний авцIуну кказит ккалаккисса иш. На хъинну махIаттал-хIайран хъуну ливчIунна. Мунияту ришав ва сурат вичIан гъан дуван, – тIий бур коллага.

Мяйжаннугу, цуксса къаххуйри республикалул ца яла хъхъичIунмур изданиялий зузисса коллегал, цамур миллатрал инсаннал «Илчи» кказитрал хIакъираву увкумур.

Ца базилухгу, издательстввалучIа маршрутка бацIан ба чайхту, шофернал цIувххунни ина кказит-журналлу итабакъай идаралий зий бурав, куну.

«Илчи» кказитрай зий бура чайхту, хъягу-хъяй бувсунни ххуллийх «Илчи» ккалай най унува, люкравун агъсса адамина уккан уллай ивкIшиву цува. Ххи бунни: «Илчи» ца яла машгъурмур, тираж лахъмур кказит бухъунсар куну.


Яла тираж лахъмур бакъар, амма яла буккаймур бушиврий дакI дацIансса ишру тамансса шай.

Барчаллагъ зун, жул ххи-Брасса, дакI тIайласса буккулт!

КъадучIаннав жулла ялун тачIав ниттил мазрайсса кказит шавкъирай къаккалаккисса, ниттил мазрайсса ихтилат гъирарай къабуллалисса чIумул ссят, сурат!

ЧIунлахъиялун

КIяламиннул 2 ходрай мат дихълай бур.



И.Ф.Крз 2.Ф.а4х

Ххирасса «Илчилул» буккулт! ЧИЧАРА ККАЗИТ

Федерал почталийх:

- дачIи шинайсса - 523 къ.
- зуруйсса - 88 къ.

Дагпечатьрайх:

- дачIи шинайсса багъа -183 къ.

- зуруйсса - 31 къ.

«Почта России» сайт-райхчин

<https://podpiska.pochta.ru/press/П7046>


- дачIи шинайсса - 523 къ.

- зуруйсса - 88 къ.


Редакциялийхчин Дагъусттаннал дазул къатIув:

- дачIи шинайсса - 1375 къ.
- зуруйсса - 230 къ.

МАХIАЧКЪАЛА



Гъавалул тагъар



ГЪУМУЧИ



Газета «Илчи» (Вестник)

Учредитель:
Агентство информации и печати
Республики Дагестан

Хъунама редакторнахлу:
БАШАЕВ Р.М.
Тел.. 65-00-07

Къардашов Р. Ав. Тел. 65-03-12
хъунама редакторнал хъиривма

Редколлегия:
Адамов АбдурахIман
МахIаммадович
Алиев ХIажи Сулайманович
Исрапилов Артур Анварович
КъурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупиянович
Шалласуев Шалласу Рамазанович
Эльдарава Роза ХIажиевна

Отделлал редактортал:

Абдуллаева А. П.
Абдилов ХI. А.
Рамазанова П. ХI.
Тахакъаева З. К.
ХIусайнаева К.А.

Подпискалул отдел:
Абдуллаев А. Къ.

Корреспондентътал:
АбдурахIманова З. Т.
Алиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайссар чивчуманал. Редакция макъалалул залуннал пикрилий рязину бакъахурчагу, макъала ришайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачичайссар ва ми залуннахъхъун зана къадайссар.

Кказит буккайссар ножмардий цал. Шинай итабакъайссар 52 номер.

Кказитрал индекс. П7046
Тираж – 2000 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.

Цена свободная



4 651116 280051